

# खड्ग सिद्धि

(ऐतिहासिक एकांकी संग्रह)

हेमलाल जोशी



# खड्ग सिद्धि

(ऐतिहासिक एकांकी संग्रह)

हेमलाल जोशी

रवि शास्त्री, इच्छार्थ, यत्न

११०२

पेकगु-५००

मू:-५/-

पिकाकः—कयो मय्जु, कान्तिपुर ।

## (सर्वाधिकार सुरक्षित)

थाकः—शारदा प्रिन्टिङ्ग प्रेस

२१३, न्हुसाल (धर्मपथ) काठमाडौं ।

### बछा

मां,

“हृदय व्योमं सरर गायका भाव शीतल संस्कृत,  
यः गु आत्मा प्युगु खः छं योम्ह पुत्र जि व्हेवयत ।

... ..

मां, जिके छुं गुणत दःसा खः व व्याकं निश्चय ।

छं ह्वला तंतःगु न्हापा जिगु मनोरम शंशवे ॥”

--सिद्धिचरण

उक्थे, थ्व जिगु न्हापां होगु स्वां  
स्वर्गवासी मां नानीबाबायात तुं  
छछाया

--हेमछाल जोशी



# जिमिगु रवं

“खडग सिद्धि” इन्टरमीडिएटया व्वनेकथनय् लानाचवंगु सफू जुया नं बजारय् न्याये मदया चवंगु ता हे दयेधुंकूगु जुयाचवन । चवसापासा पाखे पिकायेगु मंतुना मजूगु मखु, चवमि भाजुं हे नं श्व खे न्ह्यथनादीगु खः । तर, दामं सिद्धिकक जुइबलय् मनं तुनाथे ज्या याये मफइगु खं धायेमागु मखु । आ हे नं ‘तधं भवसा’ मदयेकागु जूसा श्व सफू पिकाये फइ ला मफइ धायेफुगु मखु । उगु अवस्थाय् इन्टरमीडिएटया बिद्यार्थिते श्व सफू थौंसक बजारय् न्यायेकाये मदु जुया छगू समस्या हे जुया चवनीगु ला छु खः, छु ख ।

चवसापासाया २३ म्हम्ह पासा जुया खडग सिद्धि पिहाँ दया-चवंगु दु, श्व छगू लय्ताया हे खं ख । श्व श्वया निकोगु पिदना ख । थथे पिकायेगु अधिकार चवसापासायात बियादीगुली भाजु हेमलाल जोशीयात आपालं धन्यवाद दु । तर, न्हापा पिदंगु सफू साप हे फोहर व अशुद्ध जूगुलि उकियात हे गुरू मफ याना थगु पिकायेमाला फोहर मजूसा सन्तोष जुइक शुद्ध जूइ म्फु थें चवं । गनं गनं ला कपा तछ्याना नं भाय् थुइके मफुगुलि अन्नाजं खं हंकेगु मस्वसे आखगो हे गथे खः अथे तया बियागु दु, छाया धासा श्व सफुया विशेषता आपालं याना भाषाय् व खेल्हाबल्हय् लानाचवंगु दु । अकिं थम्ह मथुल धायेवं थ मथे खं तयावछयेगु उचित मताया । आशा दु मेगु पिदनाय् फुवक हे म कथं भिक जुइ ।

ललितपुन्ही,

१०८३

मन्त्री,

चवसापासा

# न्यास

नेपाल सभ्यताया केन्द्रस्थान जुयाचवंगु नेपालाले न्हापानिसे हे साहित्य, संगीत व कलायागु उत्तरोत्तर प्रगति जुया चवंगु जुल ।

पौराणिक काल यागु खँ अलग तोता मानदेव, अंगुवर्मा पिनिगु पाले यागु खँ जक ल्हाये धासां नेपालाले स्वर्ण युगया किरणं खये धुकूगु खनेदु । थुजोगू खँय् मी-पो-लो (नेपादे यागु वर्णन) चवया वोम्ह बिनिया यात्रि हुयनसाङ्गयात नं झीसं साक्षी बके याये फु । अले, थमं हे व्याकरण चवया वोम्ह अंगुवर्मा जुजुया सभाय् कवि, महाकवि, नाटककार साहित्यकारत नं आपलं दु ज्वी धंगु झीसं याउँक अनुमान याय्फु । थौतक ल्यना चवंगु नेपाल संस्कृति थ्व खँयात गाकं हे प्रमाणित याः । अले थन झीसं धायेहे माः कि-झी पुर्खाजनपिसं नं आपालं नाटक चवया वन, मिहतावन, स्वया वन । अनलि लिपा जुजु जयजितामित्रया पाले नाटक यागु चरम उन्नति आपलं जूगु खनेदु । जुजुं स्वयं जैमिनी भारत, अश्वमेध नाटक चवया न्हितकल गुगु नाटक यागु सूची वीर पुस्तकालय यागु हस्तलिखित गून्थ सूची हे दु । अझ थ्व हे जुजुं चवया थकूगु नाट्यशास्त्रयागु सर्वाङ्ग विधि पूर्णगु सफू स्वर्गीय खः विष्णु चरण श्रेष्ठजुं सुरक्षित याना झीगु न्होने तया थकूगु दु । खँ केवल थुलि पा कि-भारतयागु नाट्यशास्त्रे थगु हे पह दःसा, जयजिता मित्र यागु नाट्यशास्त्रे नं नेपा पहयागु विधि दु ।

अनलि वया, जुजु सिध्दिनृसिंह यागु पाले जा नेपाल नाटक यागु पूर्ण विकासया पराकाष्ठाया यगु थौं तक खने हे दया चवंगु दु । तान्त्रिक शिरोमणि जन्मजात नृत्यकार जूम्ह राजगुरु योगेन्द्रानन्द 'गयो जुजु' या सुपुत्र पं. विश्वनाथ राजोपाध्याय सञ्चालने, निर्देशने जुजु सिध्दिनृसिंह पिकया थकूगु अनेक पौराणिक (कृष्ण, सुधामा, वराह, नृसिंह चरित्र आदि) व सामाजिक (बाठोतेगु खेल ) एकांकी नाटकत लच्छिया न्हयक काती दबुली वहीकेमागु गुगु थिति बन्देज जुयावन

(ख)

लिपा थव हे नाटकत विकसित जुजु धोनिवास जुजुया पाले श्री कृष्ण चरित्र, श्री कृष्ण महादेव युध्द, श्री वाणासुर युध्द आदि तनेगु जुया १५ न्हु तक यागु खेल दच्छी छक व्हीकेगु जूवन । अझ लीपा जुजु योगनरेन्द्रया पाले अनेक खेल तनेगु जुया लच्छितक (काति पुन्हि न सकिमना पुन्हि तक) व्हीकेगु जुयावन । खँ थुलि हे कि थव लच्छितक अटूट व्हीकीगु नाटके एकांकी, पूर्णांकी नाटक, भाव नाटक मिश्रित नाटकया रूप अनेक बाद्य, संगीत व नृत्य नापं समावेश जुया चवंगु दु । तर ग्हाथे हे जूसांथु जोगु नाटक न नेपाल संस्कृतिया जः व परम्परा तथा इतिहासया पृष्ठभूमि कयनावं वया चवंगु दु । थुकि यागु फुक्क हस्तलिखित साहित्य सुरक्षित जुया चवंगु दु । अझ मौलिक तथा अनूदित या रूप जूसां क्षीगु ग्हाथेने थुजोपि अज्ञात नाटककारतेगु नाटक न ग्हाथेने दु गन कि थुजोगु सङ्गलचरण पिज्वया चवंगु दु -

फजलय्य कितिरहलं

भोक पूया कपालं

जगतस हुनेमालं

दक्को कार्यस मालं

विघ्न दकोन काल

सिद्धिदफलया दुबाल

गलस रत्न माल

गुण अपालं विनालं ई०

तथा नाटकया अन्ते -

प्रथम सुरज्या कुलसं जनम तिहती जुजुया पुता ओ दहिवा वनसं चोनथो चलात हुणनं नियका लाहातं सिताजू हरणं जगलं सितथो माकल त्वाये चित्तू, समुद्रयाक पुरसं मितलं थुलि रामजुया गुण खँ कनता



## इति हनुमान नाटक समाप्त

तओ प्वालं मिखा ख्वालं सम्बत नेपालया गुलि ज्युसां मज्युसां  
दयका थ्व भाषां क्षमा याओ वन थासं थ्व भाषा सं । जुजुय! आज्ञा  
सिरसं तया ओ आज्ञा प्रभावं मभिनं भिनं जू ।

लिपा यक्षमल्ल जुजुयागु विशाल नेपा चिकू जुया नं स्वकू  
दसेंलि तथा थ्व स्वकूयात नं गोर्खाली जुजु पृथ्वीनारायण शाहं त्याका  
कासेंलि नेपायागु परम्परां वयाचवंगु संस्कृति बज्रप्रहार मजुसां कुठारा-  
घात अवश्य जूवल । साहित्य तथा नाटकया क्षेत्रे कवीन्द्र जयप्रताप  
मल्ल बीगु थें जागु देन न्हना वन । अले नेपाल संस्कृति बिकास  
मजुसे ल्यं पुलं जक जुया सीमित जूवल । अझ राणाशासनया पाले  
जा ल्हाती हे तालं खया व्यंगुलि बिरकुशराजाथें जागु छगू निग  
धार्मिक नाटक तथा ज्यापू प्याखेंत बाहेक मेगुया प्रादुर्भाव ज्वी मखन ।  
१००० दं छे लागु १००० दं छे लाथें जूवन ।

तर जुजु त्रिभुवनया असीम त्यागं तथा जन क्रान्तिया फलं  
नेपाले सर्वत्र न्हंगु फसं कसेंलि थथे परम्परा दया ऐतिहासिक पृष्ठभूमि  
दया चवंगु क्षेत्र अर्थात नेपाल भाषा साहित्यया क्षेत्रे न हान्नं छक नाट-  
कया चुलि जाजां बल । अझ खास याना एकांकी पल्लवत जुल गथे  
कि त्रिवेणी, मिसातय् पालिख्वाय्, गौतमबुद्ध इत्यादि, इत्यादि । अले  
थुगु हे समयेले नेपाल भाषा साहित्यया ख्यले थ्व प्रस्तुत ७ एकांकी  
नाटकया संग्रह दुगु खड्ग सिद्धि नं ।

आ छत्वाचा लं वं थ्व खड्ग सिद्धि नाटकया बारे थ्व ऐतिहा-  
सिक एकांकी भागु सर्वाङ्ग तत्व गुण प्वंका उगु बखतयागु सामाजिक,  
राजनैतिक, धार्मिक गतिविधि ई० थुजोगु नकसां वचनातगु दु गगुया  
प्रशंसा पाठकं व दर्शकं मुक्तकण्ठं न्हापा हे याना बया चवंगु दु । नेपाल  
भाषा साहित्यया क्षेत्रे एकांकी नाटक पुचलं ३०००-४००० दं न्होया  
नेपाल संस्कृतिया पुनरोत्थानया नाप नापं थोवागु युगया पथ प्रदर्शक



(घ)

नं जुया क्यगु दु । छगू शब्दे थ्व 'खड्ग सिद्धि' कीत छगू अनूपमगु देन द्युगु दु ।

अले थ्व 'खड्ग सिद्धि' या लेखक जुयादीम्ह श्री हेमलाल जोशी बी०ए०यागु परिचय थन बिया क्वनेगु छुं आवश्यक मदुसां हानं छक लुमंके बीथे तथा लिपायात चिपी छबीथे याना थुलि च्वेमागु जुल । वयक छम्ह नेपाल इतिहासया अन्वेषक तथा लेखक, नेपाल भाषा साहित्यया द्योतक अले छम्ह लब्ध प्रतिष्ठ नाटककार, मुयोध्य सञ्चालक, सफल निर्वेशक तथा 'खड्ग सिद्धि' नाटके जुजु जयप्रकाशया मू भारदार वंशीधर, 'अन्तिम निर्णय' नाटके जुजु रणजीत, 'नर्सिंह अवतार' नाटके जुजु सिद्धिर्नर्सिंह जुयादीम्ह सकलया प्रिय पात्रम्ह नांदम्ह कलाकार नं खः ।

आपलं धर्मा छुं चागु मखु । नेपाल भाषा नाटककार श्री हेमलाल जोशी बी०ए० यागु थ्व हे रूपं मेमेगु नाटकत नं पितके मालाक्वत, थुकी थौं श्री सकसिनं ग्वाहालि बीमाःगु जुल ।

ललितपुर

सत्यमोहन जोशी

चाल. ने. सं. १०७५

## धल पौ

१ खड्ग सिद्धि	१
२ किरातेश्वर	८
३ नेपाल संबत्	१७
४ नर्सिंह अवतार	३६
५ जुजु विश्वजीत मल्ल	४५
६ म्वाद्यो	६०
७ अन्तिम निर्णय	७४

## लयताः सः

नेपाल भाषा माया मुल्य सवेकागु जिगु तुगःवा भाय् खः ।  
 थ्व भाय् नेपाः मां म्हसीकेत मदयेकं मगाःगु तताःजि भाय् मध्यय्  
 दकसिवे पुलांगु भाय् नं खः । उकिं माया सेवा व मातृभूमिया सेवा  
 कथं थुगु “खड्ग सिद्धि” प्याखं सफू प्यांगुगु संस्करण कथं पिकाये दया  
 लयताः वः ।

सफू पिकायेत अवसर बिया दिगुली च्वसापासायात आपालं  
 धन्यवाद देछाया । व्याक्क सफू च्वसापासायात तुं प्रदान याना च्वना ।

आशा याना नेपाल भाषा कया आइ. ए. स्तरय् व्वनीदि  
 विद्यार्थीवित सफू न्यायेगु मदया मछिना थाकुया च्वंगु आः छु ईया  
 निति छिका अःपुका बी ।

अन्तय् जिगु मनकामना पूर्ण जुइक थम्हं हे प्रूफ स्वयेगु ज्या  
 समेत याना बिज्याःम्ह खास्तीमान शाक्ययात व इलय् सफू बांलाक  
 याना व्यूगुली शारदा प्रिन्टिङ्ग प्रेसयात आपालं धन्यवाद बिया च्वना ।

मखं बही

कयो मय्जु

२ अनालाथ्व, ११०२

(च)

## महादया !

झीगु मांभाय् नेपाल भाषा, श्वया साहित्य व संस्कृति ब्वलंकेगु ज्याय् यव्व हे साहित्यिक महारथीपिसं थःगु जीवन तकं पाना वना च्वंगु झीसं चाः । अले साहित्यिक महारथीपिसं थे हे झीगु भाषा व साहित्य प्रति पवित्र श्रद्धा, पवित्र भक्ति व पवित्र प्रेमी भाषा व साहित्य क्यबय् आर्थिक ग्वाहालिया साः तया बिज्याःपि दीपि श्रद्धालु दातापि न्हापां निसे हे दुगु नं झीसं स्यू । कयः मय्जुं नं श्व हे बांलागु पवित्र आदर्श कया मेपित नं धर्मया लूँपु कयना बिज्यात ।

थः मांभाय् नेपाल भाषा व श्वया साहित्ययात ग्वाहालि याये कथं जक मखु, आइ. ए. या विद्यार्थीपित ब्वनेत ग्वाहालि नं जुइक न्याये मदया च्वंगु त्हापा चवसापासा पाखें हे पिदना च्वंगु मदये धुंकूम्ह भाजु हेमलाल जोशी च्वया दीगु छधाः प्याखंपुचः “खड्ग सिद्धि” सफू हानं प्यकोगु संस्करण कथं वसपोल कयः मय्जुं पिकया बिज्यात । अले सफू

व्यावकं च्वसापासायात तुं सहयोग कथं लःल्हायेगु वसपोल कयः मय्जु-  
या भिमति प्रति च्वसापासा पाखे नुगः भय्भय् बिक सुवाः देछाये ।

लिसें च्वसापासाया हे दुजः भाजु दबलकाजो तुलाधरयात नं  
थःगु ज्या तोता लिमलाः फमलाः थुगु सफूया ज्याय् ब्वाय् जुया दीगुलिइ  
सुभाय् दु । अन्तय् वसपोल कयः मय्जुयात हानं छको जिमिसं महादया  
देछाये ।



# खड्ग सिद्धि

## पूर्व इतिहास-

कान्तिपुरया जुजु जयप्रकाशया शत्रुतसे रानी नाप खँ मिलेयाना  
जुजुयात हतेयाना निदँ जक दुम्ह राजकुमार ज्योतिप्रकाशयात राज्य  
बिल । जयप्रकाश बिस्म्युं ज्वीमाल । जःला खःला राज्य फुक्क धैथे शत्रु  
जुगुलीं त्रैतः गनं आश्रय महु । उके अनेक कष्ट नया, धार्ज याना,  
स्वीपिला जुजुं गुह्येश्वरीया बने पूजारी छम्ह पाखे सिद्ध छम्ह नापलाई-  
अनंलि थव एकाङ्की गुरु ज्वी ।

## पात्र परिचय--

महाराज जयप्रकाश-कान्तिपुरया राजा (वर्ष ३२, ३३)

वंशधर-मूठम्ह-भारदार (पाको उमेर)

अजितसिंह-छह्य भारदार (ल्यायम्ह उमेर)

आचाजु-गुह्येश्वरी पूजारी (पाको उमेर)

साधु  
धनवीर  
किसन वीर

—जयप्रकाशया अङ्ग रक्षक

कैदी—भेषधारी ठोरी (वर्ष-२०)

स्थान—गुह्येश्वरीया वन

समय—तीं निहने

जङ्गलया दृश्यी छगु तथंगु बल स्वयातःगु दु । बलया छत्ता-  
खेर चिचीमागु घाप् स्वया जक थायःगु माजा बुयाच्चगु दःसां सिमाहः  
लाया त गुनी छयःवाथे च्च घःमां जू । त्रिमाप् सिमाप् किट पतग  
टयाररं हालाच्चन । गबले बखते माकःतरय ख्यालयना सिमा कच्चा  
हल्ले जूगु शब्द न न्यन्य दु । राजा जयप्रकाश गुबले घांसे फावी,  
ल्लानियां बुवस्याई, गबले पुली च्ची, वाक्कु छी, गबले सूर्यः पाख्य र्वं,  
गबले पत्तीं ल्पाख्याई । वया मन थात मच्च । गबले तापाकं वगु छुं  
शब्द दुला धका न्हाय् बिद्या न्यना च्चनी । अले निमाल्हा जोडे याना  
मिखा तिसिना ध्यान याइ ।

जयप्रकाश—जिथे पापी मदु सुं हे, दिथे पा नाश याइम्हं सुं  
मदु । थ्व थ्वोका याय्माल जननीं याय् गुगु योग्य जू (शीर कुके याइ)

[ वंशधर व अजितसिंहया प्रवेश ]

वंशधर—महाराज ! (जयप्रकाश इमित स्त्रै, फेत्वीगु इशारा  
याइ) सुयन्तिमे चाःचाहिला जुयाया भिगु खं न्यन्य जा दत । चाबहिली  
ये देशे बजि भिया वार्नि बजातेक्य छकः थाना थाना न्यना, थथ्य  
धाःदु-महाराजयात पितिना निदं जक दुम्ह राजकुमारयातः जुजु याना  
मचा मिह्तेयेयःयः थ्य लायकू ज्या चले याः गुलीं देश नापं उठ जुया-  
च्चन । बराबर भवखाय् वःगु थ्व बांलाःगु मखु । त्यः मत्यः धंगु छुं  
हे मन्त । लयालग देशे भताभग चाला ।

जयप्रकाश—हँ, (उत्सुक जुया) हनुमान ठोकाया चाला वाला  
नि ?

अजितसिंह-- अँ, अन जा सुं हे दु मछः हँ ! सँनिक त ढाल  
तलवार, खोना, चूषि ज्वपीं मूँ दु हँ ।]

जयप्रकाश--हाँई ?]

अजित सिंह- (हान व हे खँ धाड़)

जयप्रकाश--झीपीं थन सुला चवन धका सीका जकं थर तयारी  
याःगुना ? अहो ? स्त्रस्त्र जिगु जःपो लः खाःगु स्व ।

वंशधर-- ] महाराजया जय ज्वीमाल ।

अजीत-- ] आम अङ्गस्फुरण जा भिगु लक्षण खयमाः ।

जयप्रकाश-- बाखं बाखने जा न्यनागु दु, गनं स्त्रीलाभ, गनं  
मिलाप जूगु खन्य दु । अथ्य जूसां (मिखा हचाउँक कना वाक्कु छिनः)  
व गुलांगारनीयातः ला जीं सुनां स्वँ वया ख्या ? स्त्री वँम्ह अर्धाङ्गी धाड़,  
सुख दु खया संगी थाई, वं जा स्वस्वः थाःगाः हे काय् मफेक लित्तुलिना  
ज्यात ग संतर तवकन याइम्ह अज्यःम्ह राक्षसनीया नां हँ, 'दयावती'  
बा ! (भतिचा सुं क चवना) जितः जा व नां जक हे नंगा जिगु नुगले  
तेतः सम्म जा मेम्ह, मेगु नां गबजे चारी मछु थव जिगु धर्म ।

वंशधर--महाराजीयातः खँ न्यकुगु दत, नत्र जकं थथ्य सन दीला ?

जयप्रकाश-- उलि बुद्धि वः सा छाय जि कुते याई ? तुलसीदास  
जि छाय धयातई 'गुद्र गवार ढोल पशु नारी, ये सब ताडनके अधि-  
कारी ।' जि शत्रु व ठोरी भारदारतेगु खे न्यनीम्ह, वंशावली हे बांस-  
लागु खँ जाय्कोइह, व गुलांगारनीया पहः ख ! . . . . . न्हाय्  
धयनं मस्यू, निह काल मस्यू . . (ऊचुकाः तया नुगः मँथि सलं . जि  
सु दु ? किजा निम्ह दु न निखय खः, थ कला हे भतिमला, काय् छम्ह  
दु नं मचातिनी, भारदार फुरक बैरी (कुटी पाखय स्वया) आ ला व  
साधुजी थे बैरगी जूसां जांधुकल खु मानी ? अझ न जिगु उमेर पीदं  
मथ्यनि, कर्म याय् मगानि । (उत्तेजित जुया) संघास ! (व्हा ल्होना)

संग्राम याय् मानि । जीवन हे संग्राम खः, कान्तिपुरया नां सार्थक मयायला ? थ्व प्राण बी मातल्य नं ।

वंशधर--जिपीं मदुला ? महाराज ! महाराजया साथ जीपीं माःगुतक्क याना हे च्दना । न्हूग पल्टन खाःगु हे दु । निस यातः नोम्ह जक पखुला मचाः नि ? यें देशे धावा यायतः थौसा थौं हे तयार, कन्हेसा कन्हे हे । खच माकं वैगु हे जुल । गृहेश्वरीमा जुया पूजारी आवाः भाजुं प्रगदिगु दु-दांछी निदां दक्षिणा जकहे माथ निका महा-राजया सेवाय चढे याय हे ।

### [आचाजुया प्रवेश]

अहो ! छि ला जकुबेलाय् हे लाम्ह का छि, नां जक कया तुयुक्क थ्यंकः साल का । भासैं भासैं -

आचाजु-- (म्ह क्वछुता, त्हा जोडेयाना त्हा शीर भागी याना) नमस्कार महाराज !

जयप्रकाश--धन्यवाद, दिसैं तःधंगु गुण याना दिल, जिगु नुगले दु । धेंदिसैं, न्हूगु खें छुं दुला ?

आचाजु--(स्वां सिन्हः तक्रो यायाँ) महाराज ! थौं लाय्कु पूजा वल लुंदां तया । मनु लगेयाना बिया इमितः लिना स्वयां छु ख कावै धका-इमिसैं शंका याः निह ! गुलि गुलीं ला बने नं चाहिला जूहें ।

वंशधर--छु इले आचाभाजु ?

आचाजु--अथ्य हेका खुधौ न्हेधौ ति जाल उबीमाः ।

जयप्रकाश--का--यवव चाहिवय न्यू रे । धन्य आचार्य । छिसं तःधंगु हे मदत याना दिल । जि कान्तिपुरया सिंहासने दयवं हे छितःनि लुम्वय । छिगु ऋण चुक्ति याय । अवश्यनं छिनाप इनाप याना थें गृहेश्वरी घाट नं दयका बीगु जुल, सत्य सत्य ।



आचाजु--जय महाराज ! खड्ग सिद्धि लाय्माल याकनं  
माईया कृपानं ।

(तापाकनिसे घाराघरु भाराभरु जूगु सः तापूदे । भचा जाय्व  
बल जफत बागःचाम्ह मनु छम्हस्यतः निम्हस्यनं निख्य ज्वना लुट्टु  
लुया है ।)

धनवी -- (महाराजया न्हयःन्य हया)

किसनवी--का भोपु पाली । सु व स्यूला ? थपाय्चा हिकःम्हसिया  
अयाय्हाः खं । महाराज ! छः पित्त मभिका खं ल्हाना वा ! थवया  
म्यं लिकाय्ला ?

जयप्रकाश--आस्य आस्य फेतु सकले । (कंदीयातः) का खक्व  
जुक्व खं कं । छ ठोरी जात मखुला ?

कंदी (लाचार साथ) खः ।

जयप्रकाश--होव्य मत्य । न्यनागुली मपाक्क धा । छन्त छुं हे  
याय् मखु । बरु शिर्पा बी छन्त । का धा जंगले, गोले, छाय् हिला जुया

वंशधर--धा धा छं, नत्र. . . ।

(जयप्रकाश हचेका न्ये धका ईशारा याइ) छिपीं गोम्ह दु ।

जङ्गल जङ्गल छु याः जुयागु ?

ठोरी--जिमतः पशुपति बने चालाः मालाः स्वयाः खाँ कां वा  
धाका तौधी काजो छोगु । छिपीं पशुपति जंगले दु धाय् न । सिया खाँ  
थुलि हे, यायाथ्य याव ।

धनवी-- मखु मखु काजी म्येम्येगु खं नं ल्हा ।

क्रिशनवी--जिमितः धागु-यें देश फौज वबले सकस्यानं ग्वाली  
याय्माः हँ । हाराम्ह जुजु मज्यू हे ।

जयप्रकाश--छू ? फौज वबले हें ?

किसनवी --अँ, महाराज !

जयप्रकाश--फौज गहाना बःगु दुला ? र्यँ र्यँ बालाक ।

वंशधर--फौज गहाना बया चवगु दुला ? का धा ।

ठोरी--वाल जबीमाः ।

जयप्रकाश--किसनबी, धनबी, हँ हँ, छिपीं स्व हँ ब्वाय् हँ ।

(किसनबी व धनबी ब्वाय् वन्य त्यनी) आस्य आस्य श्वेत हँ तिम यनी  
प्यपुं क च्यु । (इमिसं वैतः साला यंकी कैदी छद्यो क्वात्तु क्वाना  
लुकु लुकु वनी ।)

छु याय का ? श्व खँ छः सा गोदाबरी, मातातीर्थ, गोकर्ण,  
गुह्येश्वरी, अनलि गन ? (गहिला गहिला) श्वप्बले दिये बःगुला ?

वंशधर--गन ज्यू महाराज, छिगु प्रताप श्वलेत व श्वलधा  
जःखः चव्वक मनूत वशे काय्धुन । मिजंत फुवकं मालिबले जुद्ध याय्  
माः सा ग्वाहाली व धाः पी । न्हयःन्य तय्तः गहगु फौज दहे दु ।

अजितसिंह--श्व खँ नं न्यन्यदु-तरुजु, त-हीं गोलथिं थाय् थाय्पा  
जुजुपिसं राजकुमारयातः जुजु बाने मयागुलीं सेनापति नं जो पाख्य हे  
लिना . . . (स्वां स्वां सासः गहाना हथाय् हथाय् चाचां किसनबीया  
प्रवेश ।)

किसनबी--बागमती छीन, छीन, हताः बलः हताः बल ।  
चाबहि दे छ गुली मनूत, खुसी वारी चवना हतका चवन--ऊ उ सो  
श्वले कय्मी हाःथे हाःगु मनूत ।

जयप्रकाश--(जुरुक दना) का ज्वै हाथहथियार हिं हिं जिगु  
ढाल तरवार । (सकलें दना इतिमिति कना ब्वाय् ब्वाय् जवी । महाराजया  
तरवार कुटी दुन्य मदु । जयप्रकाश बाहेक सकलें जोगीया कुटी द्वां, प्यां  
उह्ये थुह्ये जुया हाला जवी ।) (अचाजुयातः स्वया)

साधुजु गन थे, बिदा काय् माःगु वन्हु मछि चवन्य धुन नाप्यं ।

आचाजु-- महाराज ! वेत. बिज्याइगु ई जुना । अँ, वेकः याके सरवार छपु नं खना ।

वंशधर--हुँ । वहे ज्मीका, जिमि जा रहे ज्यू हे मदे धुकूगु सरवार मदया ।

जयप्रकाश--सां ? छिगु शरणे (बिखा तिसिसना पलखख ध्यान याई ।

### [साधुया प्रवेश]

साधु--विजय स्व. महाराज ! धन्य, धन्य ! पुरश्चरण नं सिधल थौं थव खड्गया सिद्धि नं लाइगु जुल-अवश्य, अवश्य, अवश्य । प्रस्थान यानादिसँ । बिलंब जाय मजिल ।

जयप्रकाश--तथास्तु, सिद्धिजी ! छिगु आशीर्वाद शीरोपर (नमस्कार याना) कानु आ (उत्तेजित जुजुं) यदि धर्मया पक्षे विजय ज्मीमा धंगु दःसा, शच्छि, निशः छु द्वेलदो, लखलख फौज न जि याकचाँ हे हटेयाना छ्वे, का थौं वँ हे वन्यगु । कित कान्तिपुरी मखुसा अमरावती सां सही ।

सकल-- महाराजया जय ! जयप्रकाशया जय ! (नेपथ्ये शलंसः मनुन ता राकं हालाहै -- जयप्रकाशया जय ! जय ! ....)



# किरातेश्वर

[ पृष्ठ भूमि ]

द्वापरयुगया अन्तय् नेपालय् गोपाल वंशय् भुवन सि अन्तिम  
जुजु जुया वन । बेत किराती नायो यलवर संग्रामय् जययाना नेपालया  
जुजु जुल । वं गोकर्णया जङ्गलय् विशाल नगर दयका ताकाल भोग  
यात । श्व किराती जूजुया खगू पुस्ताय् हुमति जुजु जुल । हुमति जुजु  
राज्य याबलय् महादेव पारवती किराती रूप कया किरात गणतयसं सेवा  
याका विहार याना जुल । थुगु बखतय् पाण्डू पुत्र अर्जुन दाजु युधिष्ठि-  
रया उपदेशं तिथं यात्रा यायां नेपाल देशय् थ्यन । वागमतीया किनारय्  
किराती नाप जुद्ध यायां अन्तय् किरात रूप महादेव नाप घनघोर जुद्ध  
जुल । छो निभाःव त्यनाली अर्जुनशिव लिङ्ग पूजा यायगु नित्य  
नियम तोफीन धका पूजा यातले लडाई बन्द यायूत किरात रूप महा-  
द्योयात धाई विपक्षी श्व प्रस्तावयात स्वीकार याई । अनंलि एकाग्र  
चित्तं महादेव पूजा याइहा अर्जुनपतालगय् घातकि व किराती हे  
( गुम्ह नाप जुद्ध जुया च्वन ) महादेव खनी । ( छाया छासा छाक्व  
पूजा सामान व किराती याके लाःबंगु खन । उके अर्जुन व किरातरूप  
महादेव याके क्षेमा पवनी । अर्जुनया बल पराक्रम खना प्रसन्न जुम्ह  
महादेव वेत वर प्रसाद बी । अर्जुन ! छंगु इच्छा पुरे जुइतिनी । क्षत्री  
तीर्थय् मोल्हू हूँ । माक्व शस्त्र त्रिद्या बोध ज्वी । पाशुपत अस्त्र वं धुन,  
इत्यादि अनंलि अर्जुनया किरात कुमार जितेदस्ती नाप मित्रता ज्इ ।



थ्व हे मित्रताया नातां जुजु हुमतिग काय् जितेदस्ति महाभारतया संग्रामय् दुर्योधनया प्रार्थनायात तिरस्कार याना पञ्चपाण्डव पक्ष लिना भाग का वनी धैगु आधारय् थ्व एकाङ्कीया जन्म जुल ।

### प्याख मोत-

१. जितेदस्ति—किरात जुजु हुमतिग काय्, वर्ष २३ ।
२. हन्ति—मन्त्री हारतीया काय्, वर्ष ३३ ।
३. लंबु—राजकुमारया पासा, वर्ष ३० ।
४. अर्जुन—युधिष्ठिरया किजा ।
५. द्योपिवा—किरात रूपकथा विहार याना जूमह स्वय महादेव ।  
मेमेपि सेवक व भरिया आदि ।

### दृश्य

स्थान—श्लेष्मान्तक बन

समय—न्हिनय

(सिमा-सामा तातापागु सालुगु बन पाखे निभाःनं दु, किचःनं दु । थन्यागु थाय् लय्या जुजु हुमतिग काय् जितेदस्ति, मन्त्री हारतिग काय् हन्ति व मेमेपि वया चाकरी याडपि किरातीत शिकार म्हिते दिना बजि नय् त घाँसय् फेंतुई । सकसिनं थःथःगु अस्त्र धनुर्वाण, भाला, चुपि, पा, फुकक क्वे तई । राजकुमार व हन्ति बाहेक मेपि सकले चलाला ज्वीत सना ज्वी । गुलिसिनं छुमी माला है । गुलिसिनं लोह बाकू चाय् कर्द दाया मि पिकाई, मि न्वेकी । सत्तिक हे खुसी न्हयागु सः वई च्वनी ।)

जितेदस्ति—खः ला हन्ति; थौंथे ज्य गु शिकार गुबले म्हिते मननि । का स्वः—उवैति निसें ब्वाँय ब्वाँय जुयाया खाली चलाचा छम् !  
... नारां शिव शिव !

हन्ति—व हे ला हाला च्वनागु । थथे जुइव नयनं याक्नं हे

पित्याइगु नुनु । ननानं ननि नय्का-मनस्यै छु लँ ?

जितेदस्ति—का छ जा, नमुवा ! न्हयाबलें नखें जक ।

हन्ति—( पाह्हा चक्का दथुपति छपति—ति स्वाका निभालय् लाका ) का र्वे विसं, लि हे बात । ए लंबु उ उ . . . .

लंबु—छँ, छाय् ?

हन्ति---उलि हे मस्यूला ? छाय् गो, नसा उवना बहपि भरिया मवःनि ?

लंबु—इमिसं झीपित्त . . . . माला जुल ज्वी फु तापाकं खनागु—वैचंगु आःला गुं कों कों । ( जःपाह्हा त्वचाथे तथा गोकर्ण पाखे स्वया दनाः गःपः ताहाधाना तिससलं ) वः अअ . . . . भरिया दाजु र अअ . . . ( नेपथ्ये तापाक वःगु सलं लिसःवई ) 'हो' चिसकं 'हो'ला प्वा लः का' ( तसकं थुछय वा रे थुछे ।

( जितेदस्ति व हन्ति च्वापु गुं स्व स्व घासय् गोतुली )

ला छुया च्वापि-( लयताया ) ताना ला कू कू मताना ला पाय् पायें, छुया ला हाकु, मछुया ला ह्य उं ( दोहरे याई । )

चला न्हुल तिगा, तिङ्गा जङ्गल पारि गङ्गा ।

जिते कुमार नाप दःसा झी छुया धन्वा । ( दोहरे याई )

जिते—( ला छुपि स्वेत छयो ल्हना ) का, का हुँ हन्ति छनं, याकनं सिधय्केमा धयां । योयोथे म्ये जिना म्ये हाला दिकि सना च्वंगु खना आय हे बू का ।

हन्ति—'आय् बुयां काय् बुइला' ? घाइगु ला हे जा ब्के थाकू ! वांलाक बूगु छ्वेय्ला जक न्ह्यो लिसे माकू ।

जिते—हुँहुँ तोपा ब्यू हुँ,

हन्ति—( जुरूवक दना ) ज्यूखे ( वनी ) छकू निकू नतिरदय् ( चिसकं धया छ्यो ववाई ) ( भरिया निह नय्गु सामान इसिगु न्ह्योने दिका लः का वनी । हन्ति केराहः कया झोलाक लाया हँ अले सेह

सिनं मधि छपा छपा, ल्यसा भाग तथा है ।) ला छूँ भुनुनु खुं लहाहा  
छवेला तथा है सिधेव छसल) शाय्कि . . . . .

(जितेदस्ति--दना बई, सकसिगुं ब्व स्वया फेतुई, अले मेपिनं  
थ.थ:गु ब्व नाला फेतुइ)

जिते--(छब्व अप्पो खना) व छब्व अप्पो छ.य् ?

हन्ति-द्योब्व (सकलें हन्तियातरदयाहिहली)

जिते--का का नयसा नी,

सकसिनं--नी, नी

(सकसिनं नई भति लिग म्हाप् छ्यंगुलि हिना च्वंम्ह जटाधारी धनुधारी  
अर्जुनया प्रवेश)

जिते--(अर्जुनयात) ओ ! झासँ, दिसँ,

अर्जुन--किरातेश्वर गन हाँ ?

हन्ति--जिमि किरातीरय किरातेश्वर सु स्त्री: जिमि बुजु  
हुमत्ति हे ख:, लायकुली दो; वेरु:या काय् राजकुमार जितेदस्ति जाय न  
हे ख: ।

जिते--( दिसं (मेपित स्वया) पाहाँ यात व छे ब्व न्हयच्याक  
व्यूरे । पाहाँ धैम्ह द्यो हे ख: । (छम्ह नय्दिना द्योब्व ल्होना अर्जुनयात  
न्हयच्याका धाई) फेतुना दिसँ ।

अर्जुन--जि नय मज्यूनि ।

मेपि--(छसलें) राजकुमारया आज्ञा मनस्थं मज्यू !

अर्जुन--अहे नय मज्यू, छिमि न ।

जिते--जिमि नया च्वनागु ह बु सख्खाला ? दिसँ नया व्यू  
सकलें--छिसं नयाव्यू ।

अर्जुन--मज्यू ।

जिते--ख: मनस्थं मज्यू ।

(छम्ह मेम्ह दना अर्जुनयात ल्हाज्वना फेतुकेत सनी, अर्जुन लिलि-  
चिली, वं ऊन ज्वंवनी ।)

अर्जुन--हत मूर्ख !

जिते--छु ? जिपिला ! मूर्ख ? मुथे च्वे मूर्ख, छाय् लिलिचिला ?  
लिचिलेम्वा ! नय्थाय् नयमसः श्वाथःप्वाः ।

अर्जुन--(व मन्यात) धत धत थोमते असुचियाना, चिप चाप ।

जिते--म्वाल,म्वाल व ब्रम्हं ज्वीका आः कलियुगं तुति चुल धाय् व  
ब्रम्हुतसे थःगु कार्यभार तोता मेमेगु कार्य काइ हं । श्वनं... थःकार्य  
तोता धनुर्वाण ज्वना झीगु हे ज्या कया हान झीतः ह निन्दा ! श्व छाय्  
छगू रकम याःपि दाजु किजा, तमाम सकले समान ।

अर्जुन--मखु, अय्जा ब्राह्मण मखुजि ।

जिते--अले छाय्ले श्व नाटी कुटी, थो थाय् ?

अर्जुन--(फुईक्क च्वना) जिपि आर्य आचारे च्वनिपि छिपि  
जुल अनाय माकःत ।

जिते--(तम्वेःका)का, का, छु स्वइच्वना ल्यकेम्वा श्वेत,  
धुंकि च्वाः ।

सकले--का च्वा, का च्वा (सकले जुरु जुरु दनी । राजकुमार  
जितेइति धनुर्वाण काई, मेमेपिसं हाथहथियार भिरें याई)

जिते--माकःत मखुला ? का स्वइ का-माकःतसें छ याकः यात  
छु मयाई ? तिष्ठ, बिस्ववने मते ।

अर्जुन--(धनुष खःगू ल्हाति ज्वना)तिष्ठ सा तिष्ठा का धनु-  
षय टंकार ।वई राजकुमार न्हयोने मेमेपि ल्यूने च्वनि, लडाई जुइत्यनि,  
सकस्यनं लाय बुई, जंगल थर्कय् जुई सिंह छम्ह दय्वहे गा धो चा वथां  
ह्यायतः । आसे आसे, बिस्वुवने मते (राजकुमार लिलि चिली अर्जुनं  
पेलय् याई ) छाय् लिलिचिला ? लिचिले म्वाः ल्वाय् थाय् ल्वाय मसः



माकः हवाः । (किरातीत नेपथ्ये श्वनि, अर्जुनं धन पेलय् याना घनि ।)

(अनंलि--घोर जुद्ध जूगु शब्द । वइ अनंलि किरातीत ग्वालि, ग्वालि, द्योपिवाः याथायनु द्योपिवा याथायनु हे द्योपिवा शरण वया, हे द्यो पिवा का रे का जिपि फुइन-धयागु नाना किसिमयागु इगःमिगल हाःगु सः वई बिस्तार बिस्तार व सः ताय् मदया वनी ।)

## दृश्य २

स्थान-किरातेश्वर शिव लिङ्ग

समय-उखुन्हू हे निभाबीइलय्

(च्वापु गुई निभाः घनि । उखे पाखे हे वाग्मती :ह्यानां च्वंगु सःवः । राजकुमार जितेदस्ति व वया पासापि मेमेपि किरातीत अर्जुन व महा-द्यो पिवा जुद्ध यागु स्वया मोहतय् जुया च्वनि । धनुर्वानया जुद्ध सिधय् धुंका नं त्याः बू सी मदु । निम्ह फूँफूँ वय्का च्वन । अनंलि मल्ल जुद्ध याप्त सुरय् ज्वी । मल्ल जुद्ध शुरू ज्वी, अनेक दाउ पिकया निम्ह-स्येनं फयान फयाथे बिपक्षी यात ववः थय्त सनी । द्यो पिवाः किराती बलया लिसे स्वया च्वपि किरातीतसे नं थःथःगु ल्हाम्हू छिना म्ह संका बल याई । अर्जुनयात प्येलय् याई थें च्वनकि पररर लापा थाई ।)

किरातीत-द्योपिवा दाजु, हेः आमथे खः । ग्याय्म्वा ग्याय्म्वा । छम्ह किराती--ओहो, स्व स्वः ख्व द्योपिवा दाजु जा थुलि न्ह्याधका मस्युनि का । मेम्ह-अ, खःधका । मन सय्कल वं सस्त्र अस्त्र विद्या थः महा द्यो थाय् जक च्वना च्वनिम्ह । मेम्ह-महाद्योया सेवा चान्हि याइम्ह । द्योया प्रतापं का, मेगु छु ।

(अर्जुनं प्यलय् यागु खना) का, का का न्हि... ..

मेम्ह-व तापालियाम्ह मनूले ! वा, कवर्या थाय् हे उलितक तेस्वी  
मेस्की याना ल्वाय् छाःम्ह, ल्वाय् फुम्ह सुज्जी थ्व ? खा स्वबलय्  
बांला द्यो थें च्वं पहिरन धासा जङ्गली ध्वकय् छ्यो !

(आः जा मल्ल युद्ध भयानक रूप काई । दोहूँ दोहूँ ल्वाःथ्ये  
वखतय् फुइ फुइ याना वं वया लप्पा, वँ वया लप्पा ज्वना हानं उखे  
प्यलय् याई)

किरातीत--का का का द्योपिवा न्यल हःहः खःखः आमथेहे  
वःया हानं बयाः ... ..

द्योपिवा- (अर्जुन यात गावक ठेलय् याना) फुनिला ? मफुसा  
न्यल बा बा धा ।

अर्जुन--(आकाशय् थस्वया) आसे आसे पलखः जक जि जूगु  
खँ धाय् । (निम्हस्यनं ल्वाय्गु तोति) द्योपिवा-काधाः छु धाय् माल :

अर्जुन--जि थौं . महाद्यो पूजा . याय् मानि ... निभाः  
बीन ... खछि . आसे, अले पूजा सिधय्का हानं ल्वय् ... ..

द्योपिवा--छांलानिम्ह ला ? तस्क बलाःम्ह खनि ! का, का  
ज्यू, आबले बल फोँ महाद्योयाके (किरातीत सकलें अचम्म चाया-  
ल्हापुइका च्वनि)

(अर्जुनं थःगु झोली हया स्वाँ सिंहः, फलफुल पिकाई ।  
लिक्क हे दुगु शिव लिङ्गय् पूजा याई । मिखा तिसिना ध्यान याई ।  
हानं मिखा कना द्योपिवायात स्वई । शिर्वालिग स्वया मिखातिसी । हानं  
मिखा कना द्योपिवायात स्वइ ! द्योपिवा किराती हुसुहुसु ग्निहला च्वनि  
स्वकः प्यकः अथे स्वेधुंका लीपतय् वहे द्योपिवाया न्हयोने वना तुति  
भोपुइत्यनी । द्योपिवा लं निपा ल्हात अर्जुन यात छ्यो ज्वना थनी ।  
मेपि किरातीत छ्यो ववातुववाना स्वया च्वनी ।

अर्जुन-- (निपा लहा जोजलपा) जि अज्ञानो जुया छुमसि न प्रभु !

द्योपिवा--अर्जुन !

अर्जुन--प्रभु !

द्योपिवा--धन्य ! अर्जुन, छ खना, छंगु पराक्रम खना । जि आपालं लय्ताय् धुन । छं माति छु तातुना व जि बीगु जुल धा ।

अर्जुन --जि छु ब्रिन्ति याय् ? कनेभागु हे मखु घृतराष्ट्र एवंवाया सच्छिम्ह काय् मध्ये थकालीम्ह दुर्योधनया युगतिरयाना जिमि न्याम्ह दाजु किजा मावव दुःख सिल, द्रौपदियान दुर्गति जुल । गुगुकथं यानां जिल जिमित कोकायत स्यायत मयागु छुं मंत, प्रभु ।

किरातरूप महादेव - अं, अं !

अर्जुन--भीमसेन दाजु यात विष नकल, समुद्रय्, धवकात, सर्प न्याकल, सौ-छें मितया बिल, अनं लिपा द्रौपदियात भीमस्यो-बलय्, अधिङ्गय्, सभाय् दुष्ट दुर्योधनया आज्ञां दुराचारी कुशामनं सपः जजना लुया हया नं पतासिन्धका बेइज्जत याय्थनं, हानं कपट जूम्हतेन सत्ता जिमिगु राज्य सर्वस्व त्याकाः काल, जिपि बनवासो जुनः क्षितिदं तक अहे भेष जुयानं हानं दच्छि गुप्तवास चवनेमानि !

किरातीरूप महादेव--किरातीतय्थाय् (वया) ए जिते थन वा (जितेदस्ति वई) सिलला थव अर्जुन धयाम्ह ? हस्तिनापुरया राजा पाण्डु या न्याम्ह काय् मध्ये दातिम्ह ।

जितेदस्ति--द्रौपदी धयाम्ह थवया कलाः छनिका हं ?

कि. महादेव-वय! जक मखु न्याम्ह दाजु किजाया वहे छम्ह ।

किरातीत-- (सफफाया) ओ ! निगहेसिया, स्वगहेसिया छम्ह कलः दुमि दु धयां थिमि जा न्याम्ह न्याम्ह सिया व हे छम्ह ?

(किरातीत सकलें न्हिली, किरातरूप महादेव इमित भ्वाय् भ्वाय् स्वई ।)

कि० महादेव--अर्जुन हुंकन क्षत्रिय तीर्यय् मोल्हू हूँ, छन्त माक्को सस्त्र विद्या बोध उवी । पाशुमत अस्त्र बोधुन । (जितेदस्तियागुव अर्जुन यागु लहा थः थःम्हं मिलेयका) जितेदस्ति ! का, आवन्तिसे छिपि शत्रु मखुत त्वाय् जुल । लिपा कुरुक्षत्रया खयल्य थुपि पाण्डव व कोरवतय् अघोर संग्राम जिवतिनी, अवलय् छे अर्जुन यात ग्वहालि यायमा, नेपाल न्हावले सत्यया पक्ष लिना त्वायमाः, गुह्य नेपालली उख्ये विजय अवश्य उवी । असत्य, अधमया अवश्य सवनाश हवी । (ल्हाल्होना) धर्मया जय !

सकसिनं—धर्मया जय !

महादेव—नेपालया जय !

सकसिनं--नेपालया जय !

जय ! जय ! जय !

# नेपाल सम्बत्

(ऐतिहासिक एकांकी)

## प्रस्तावना—

नेपाल संबत् चले जुया वःगु १०७२ दं फुत । कछला थो [अर्थात् कार्तिक सुदी] प्रतिपदाखुनु थ्व सम्बत् १०७३ वयल । उगु बखते अभयमल्ल काय्पि निम्ह मध्ये तःपिकम्ह जयदेव ललितपुर व कान्तिपुरया जुजु जुया चवन, अथे हे चिधिम्ह आनन्द मल्ल भक्तपुरया । झिनिदो छेया सहर बाहेक नं भो, पनौति आदि न्हय्नां बांलाक बसेयाना अखण्ड कीर्ति कया राज्य याना वंम्ह जुजु आनन्दमल्लया पालय् छम्ह ज्योतिषीं छगू साय्त लुइकल । व साय्तया बेलाय् लखुतिथे [भतिखुं व बिष्णुमतिया न्हयने] कि कया हया प्यन्हुखुनु लुं जुयाचवनि धयागु व सामुद्रिक ज्योतिषीया ख्ये विश्वास याना आनन्द मल्ल ज्यामित छवइ । फिया कु नं कयाहइ । तर थ्व धनया बलं नेपाले गुकथं शंखधर, उपनाम साख्वाल धयाम्ह छम्ह कान्तिपुरया फबन्जालं नेपाल सम्बत् चलेयाना वन, थ्व सीक्यत थ्व एकाङ्की महत् बी ।



स्थानः-भक्तपुरे छछा छेया मातं बैठक ।

समयः--न्हिने

(पूर्व पश्चिम ताःहकःगु बैठक । उत्तर पाखे स्वपाः संऊयाः दु । दक्षिण पाखे कोठाय् दुहाँ बनेगु लुखा । लुखाया छुं भति उखे पूर्व पाखे सिधिवन्त जोशीजुया आसन । फुस दक्षिण । फुसे गणेश कुमारया दथुइ महाद्यो पार्वति च्वयातःगु खेगो बालूगु कुच्छि जाः कुत्या होकःगु पिलाया पुसा खना तल । ऊकी जाय्क मभो व हरताल भोया सफुत खनेदु । न्ह्योने स्यूचाचू व्हला तःगु तप्पागु गोलःदु, नापं दाला छगः नं दु । मःभोया पात्र पँ हे पुइकातल । आसनया च्वस्सं धलिमे तः फालागु सिपौ बलाय् कौलाछि मयाःगु कापः बला कल्लरथे तया पंखा खाया तल । थ्व पंखा चलेयाय्गु खिपः तापक च्वना च्वम्ह छम्ह आख् ब्वंवम्ह मचाया ल्हाती दु । मेपि शिष्य मचात गुलि हाक ग्वरले सलामं च्वया च्वन । गुलि आखः ब्वना च्वन । छम्ह शिष्य हुक्काय् गजि चिलं तयाः छपा ल्हार्ति नलि ज्वना गुर्यात गजि त्वंका च्वन । तापक थौ थाना हःगु शब्द वर्ई ।)

सिद्धिवन्त--(न्हाय्पने तया तःगु नँया कलमं ग्वरले दाया आखः ब्वंपिन्त धाइ, सकले सुकं च्वनि ) गोताः थात हाँइ ?

१ ह्यह्य--झिछघौ गुरु !

२ म्हम्ह--मखु गुरु, झिनिघौ ।

३ म्हम्ह--छघौ पात, झिस्वघौ जाल ।

सिद्धि०-उलि हे तीमपया, छिपि जा; थुलि हे जाल धका धाय् मफु ला ? त्या छयाय्गुली घौ न घौ पाकाः जकं ? छघौ बाघौ जा छु, निपला स्वपला पात धाय्व हे ज्योतिष शास्त्रे आपलं पाः वनिगु ! (न्हाय्प्वालं सास गुखे पाखें वः स्वयत खःगु ल्हा न्हासय् थयंक यंका फुई फुई सास ल्हाना स्वइ ।

४ म्हम्ह—(मिखा तीसिना एकाग्रं) आपः स्वेता क्षिति पीता रक्त वर्णो हृताशनः, मारुतो नील जीमूत आकाशो भूरि वर्णकः । (आकाशे स्वइ )

सिद्धि--अहो, छ जा हं, आकाशे स्वया घौ लुइकइम्ह जुल का (हये स्याइ, हिल्लि)

४ म्हम्ह--(मछाला) भूरि वर्ण धाःगु स्वया घउ स्वयाग मखु गुरु, आकाशे घौपाः गनं वइ ?

सिद्धि-- धत् ज्यो, आम शिलोया अथं छ्यानागु ला आमथे ? का धाः छु अर्थ लुइका ले ?

४ म्हम्ह (छ्यो चासुवया) लःया रङ्ग तुयू, पृथ्वी ह्यासु, ह्याउं, सुपाय हाकु ।

सिद्धि--बा ! आमथे जूसा गुरुधयाम्ह मा हे म्वाल का ! तत्रे फुक्क शिलो धया थे गूढ अर्थगू जक । 'गुरोमुध्रि शिरो दत्वा पुनजन्म नविद्यते' धयागु शिलोया आमथे अर्थ याःसा जा छिमिसं जिगु छ्यने न्हत्तु न्हवइ खया !

४ म्हम्ह--उं (ऊन मछालि)

सिद्धि--आम व्वं छको हानं !

४ म्हम्ह--(व्वनि)

सिद्धि--अं ...का, स्व थुखे । निपा लहाःयां पतिचां न्हाय-  
प्वाः, न्हाययंप्वाः, मिखा तिना म्हतु कःछिना स्वय्वले ह्यासुक छने  
दःसा पृथ्वी तत्व धका सोके, तुयूगु वःसा जल तत्व, ह्याउंके दःसा  
अग्नि तत्व... (छकः बाँलाक थमनं लवइ, अले सिमधय्क हे दिना  
कसके जुया पतिचा ल्याख्यौई) अहो, थौं जि छुं अपगाल फयमालिगु  
जुल ? (हानं सासः दाना) 'अनलं चतुरङ्ग गुलम्' ठीक प्यलांगू (सास  
न्हासं पिकया प्यकः न्याकः स्वइ, अनलि हसंसं धाया निम्ह थं

जुया पात्रा स्वइ, पतिचा ल्याख्याइ ... .. ) का काल मुहर्त ...  
 (फुंगे छ्यो लाक ग्वाराकक ग्वारा तुला) अय् पंखा सा, सा (पंख मति  
 हानं भुनुभुनु हालि) किसनारायात इहिपा यायगु बेला, पुनबीयात पुसा  
 बहलेगु दि, धनसुन्दरयात आगमे धंगःछाया सायत, मेगु छु ? (आख  
 बबवःपिन्त न्यना) उलिहे मखुला, म्हिगः म्हिगया ज्या—छिकाय्  
 स्वयागु ?

१ म्हम्ह--दशा स्वयाविज्याःगु नं जा दु नि !

सिद्धि--दशा स्वयागुली जा न्हागु दों दःसां छु ज्वी ? उकिं  
 छु जपगाल वइगु दु धका ? दशा भिपिसं जात वयो हे वइ मखु, दसा  
 स्यना च्वंम्हयात न्हाग धया ब्यूसां खः—

वायु विगार जुया च्वन धाःसां कहे कः,

प्वाथे राहु च्वन धाःसां खः,

मजीबले जा खः मभिना च्वनि ग्रहण गःगः,

उकिं जा छु ? न्यनान्यना कुतिसः ।

(ल्हापुइका फेतुई) म्वाल म्वाल, पंखा साले म्वाल, मन भःभः  
 न्हुया हिपूबले पंखाया फसं जन 'मि' गालेगु जकं जुल । (ववछुना घुरे  
 ज्वी)

(आखः बबपिनि थिथि खा स्वया मिखा भाय् याइ, अले वयात  
 वं वयात कुति न्याना वनेनु धाइ)

सकसिन--(पालाक) गुरु, जिपिदने ।

सिद्धि--का का हुं, थौं म्वाल ।

(सकलें सफू तिना दनि)

सिद्धि--आसे आसे, म्हिगः छिमित स्यनागु म्य छपु बांलाक  
 हा काः !

(मचात फुकक मुना म्य हालि)

सिद्धि--थौं बिबा जुल म्वाल हूँ !

मचात--(छ्यों क्वच्छुना) भागियाय् (लुखाय् स्वया) गुरुमां !  
(गुरुमां लुखाय् बइ ) भागियाय् !

गुरुमां --भाग्यमानि ज्वीमा छिपि, कन्हे वयबले खुवा दांछिया कयाहिं न्हं !

१ म्हम्ह--ज्यू (सकले वनि)

गुरुमां--अय बाबु, हे छ्ये निगः नं फोसा कयाहि, लोमनि !  
थौंकन्हे हंस छ्ये मछो ।

सिद्धि--हंस जक छ्ये मथोगुला ? छु ज्यासं छ्ये मथो, दिक्क दाक्क हे चाल का आ जा !

गुरुमां--छु उ उ उ ! न्यरे हे चाः का ! न्ह्याबले दशा मनि जक धयादी । दशा भिगु गुबले महु । हानं छ्ये द्दहां वक्कयां दशा मनि ।

सिद्धि--छु खं ल्हानागु ? छ्ये द्दहां वइपिनि दशा मभिन धाय्व तनि झी भिनि का । का थौं गो ? जाकि छ्दाला हे मखाः (दालाय् क्वस्वइ) जयमांया बिपत्तिसा झी संपत्ति, जनमांया संपत्तिसा झी बिपत्ति !

गुरुमा--(खवा स्यंका) मय् मय्, ककिया बिपत्ति याना संपत्ति दय्के मय् । सकसितं भिका जय ज्वीका जकं थःगु जय ज्जी । कत-पिनिगु दुःख स्वया च्वना नं गुबले सुखी ज्वीफला ? न गुबले ज्ञान्ति धयागु सीके फइ । धात्थेया सुख जा जिपि मिसातय् थःत वांस्ता मयासे ककित सुख बीगुली जकं खना । छिसं थुकथं धन मुंका दिस गुकथं कि थ नं भिनेमा, ककियां जीमा, सकलयां भिनेमा, देश नापं सुखी ज्वीमा । मखुसा, बरु हिं छ्छ्याः जकसां नय का !

सिद्धि--हः आम्हे हे जा खः नि, व हे खः धया चवनागु ! वि-  
 ात्ति परेजूनि वइ, अथे या थथे या धका उपाय कना छवया चवना,  
 छे मिकेमाल धाःपिन्त उपदेश बीया चवना । थथ उपकारय् ज्या  
 यागा चवना धासेलि छगु खँ व जिगु खँ नाकं पातला ?

गुरुमाँ - मस्यु, मस्यु, खँ ल्हायगुली छित सुनां फइ । चोकां  
 न्थाई, पोकां ल्थाई थ. छथलाकी । मेगु खँ छु मसिया (न्हिला  
 हिला) उखुनु धयादियाथे मैचित व जित लुँ स्वां छफो व जन्त्र मद-  
 य्कं मज्यू तौमढी भवे वनेत । थनि बाँ छि हे स्वाले धुकल ज्वी ।

सिद्धि ---हिं छछाः जक नया धर्मया लें लिस्से वनेगु हँ, हानं  
 लुँ या तिसां थव माल, माल धका पिरे यायगु हँ, छु खँ थव ! धर्मया लय्  
 जक वना चवसा तीजुल का लुँ या तिसां ? छके याना छले याना हेकांसि  
 जुया मजुइक धन छववल मुं के फुनि सु दु ? हाकनं लुँ या तिसां तिया  
 जुइत लाय्कू सःतिकेमाः कित 'मा' रानी हे जुइमाः । उलितक न्हाय  
 धुकल व का मखला छ ?

गुरुमाँ-- (न्हिलातुं) सः तीला तापाःला जुजु हे थःथाय् तुवि  
 तुवि याःक बाकः बज्याका ? हानं लुँ स्वां जन्त्र दयका व्यु धका धा-  
 यगु जि मति हे लुममबले थःम्हसे कन्हेकंस हे लुँ तिसा दयका बी धका  
 धया दियाः । कित धा हे मधाय् धाय् धुंका मबिल धाय् व नन्याःया  
 धा मगाः ज्वी का । आशाय् झुले याके धुंका आशां छाके त्योला !  
 आशाया निसुगु रेशम सुका च बुत कि स्वाल का ...

सिद्धि--म्याल, स्वाल का । शास्त्र झुट्टा हे जुया वना धःसा  
 मस्यु, मेरु न्हाना वन धाःसाः सूछो अडे हे जुया चवसा उकं नत्र आम  
 भाश पुरे मज्वी मखु । उद्योगया भरं थुलित जोडयाना धयागु ! भा-  
 यया मरोसाय चवना थः कर्म दसा छाय् मवइ धका हाला जक



चवतीम्ह मखु जि स्यूला ! उच्चोगे सिंह जुया थःगु पौरष बजे याइम्ह  
जि जुसेलि छु धन्दा ? का धा-दालां छदाला लुं-धू दत धाःसा छ  
छु छु यायगु मती वः ?

गुरुमां--(पत्या मजू पहलं) 'न्यागः कयां स्वंगः फुसुलु, स्वांपुयां  
छगः हे मकु' धा'गु खं जक का आम ! बह छिगु पतिचां थ्यूथ्यूगु लुं  
ज्वोगु जूसा छु छु यायगु मती वः ? धया दिसं रे अले लुंया देले चाः-  
चाः हिला लहर याना जुइगु मखाः ज्वी ... ..

सिद्धि--दः जो छ फयंग धका यात ! थन स्व, उखुनुं जुजु-  
बिज्याबले सायत बिया छवयागु लुमंला ? स्यूला व सायत ? सुबण  
सिद्धिया सायत का । श्व पिकायत ओदं ओदं मछि मेहनत याना बडो  
मुस्किल पिकया । कित जि जक स्यू कित थपायधंगु शहर व नापनापं  
चवंगु पनोति, सांगा, नाला, भोदे, धौखयो, खडपु, चौकोत थिपि न्हयग  
शहर दय्केत आनन्द मल्ल महाराजयात सेवा ब्यूम्ह थी अन्नपूर्ण भगवती  
हे ।

गुरुमां--छिधाय घौगलख हे मतोताम्ह जि गथे मसिल ले  
अपायधंगु ज्या सना दिया ? छ्येया लक्ष्मीदेव सहयाय फुगु ला का ?  
उलि तक हेला ! (तमो पहलं) जु खः गथे खः का आम ज्या !

सिद्धि--(हक्का) का, बिछुक बाछुक खं ल्हाय् मते ! (शान्त  
भावं) हेला जा मखु ले ! कान्तिपुरया देशे वना बिष्णुमति व भद्रमति-  
या ह्वनय् चवंगु फि सायतय् कायमाःगुलि वा । श्व खं जि छन्त कन  
धाय्व छ हानं मेम्हसित कना । वं वयात वं वयात यायां श्व खं यं,  
यल, खवप दकभनं सिल धायव श्व ज्या फताप्थोत छु माः ?

“श्रेयांसि बहु विघ्नानि”

गुरुमां--लिपते गबले मसी ?

सिद्धि--ज्या सिद्ध ज्वोका न्यूसां छु ले ? अले खवपदे गुलि

पद्मः धाइ-स्वःस्वःथाय् लुँपोल लुँया गजू ज्वीबले । लीपते तक आनन्द  
मल्लया नापनापं सिद्धिवन्त जोतिषया नां नं लुँ गजू थी थे थिना  
चवनि, अले मनू जन्म कयाया साफल्य मजूला ?

गुरुमाँ--दैवं गोसा चिनाथे ज्वीगू मनूतय छु लगेजु ? थाय् माल का  
ईश्वरं (नेपथ्ये--“असिद्धवन्त असिद्धवन्त जोशीजु तले सु दु ?” धका  
सता हइ) कुने सू ? थाहाँ मासँ (गुरुमाँम्ह कोठाय् वनि)

सिद्धि--कुने सू ? थाहाँ वा रे (कोक पिकया) ‘सिद्धिवन्त’  
धाःसा गाःगुली “अ” न्ह्योने तयाः सःतेमाःगु छु दु ? योम्ह सा ‘यो’  
धोय् मयोसा जोशीजु धाय् का । अथ्य नं मखुसा ‘सिद्धिवन्त’ जक ...

## [महाराज आनन्द मल्लया प्रवेश]

आनन्द मल्ल--खः, यो सिद्धिवन्त धका सःत्यगु न स्यू; अन्न  
त.धंगु मान बी धका चवनागु नं खः । च्याब्बे छब्ब बीगु मती दुगु नं  
खः । तर भाः छ सिद्धिवन्त मखुत असिद्धिवन्त जुल ।

सिद्धि--(ह्वा ह्याउँका व याय्माः थ्व याय्माः मदयका दना  
न्हा विन्ति याना) नमस्ते ! अमा यानो बिज्याहुँ छःपि धका मसिल ।

आनन्द--छु चवने गो ? छगु सिद्धि वाक्ये आपालं विश्वास  
यानागुलि मन जक भरङ्ग जुल, उलिमछि आस फासनीफुस ! उलिमछि  
भिगू ज्या याना खुसिया बगरे च्चरगु फिया फि नं तुं । प्यन्हु तक जा  
फि दाजा स्वना तय् धुन , हानं अप्पो प्यन्हु स्वने माःला फि ?

सिद्धि--(ताःहाःगु कसुकाः तया) ज्यू ?

आनन्द--छु ज्यू ? फियात लुँ भाःपा धुकुती स्वःथना तय्  
माल कि ? छंथाय् हे तय्के हे स्वःथनाति । (तमं पत्ताः बस्वाना  
प्रस्थान)

[सिद्धिवन्त मूर्ति थे अचल जुया ऊके जुया चवती]

गुरुमाँ--(कोठाँ प्यहाँ वया) मय्, मय्, मदय्क मगाः ला फिरो ?

पिद्धि--(कसंग जुया) हँ \* \* \* \* \* नारां शिव शिव शिव, \* \* \* \* \* दिकार खमने जिगु जन्म जा! नां कायवय धका चवना नां मोमाल । जुगु धयाभह छो खः- 'ता विष्णु पृथ्वीपति' । जुजुं हे असि-द्विवन्त धायका चवनेमाल धासेंलि छु थव ? मती जक लू सुकाथे मन्त स्वःगुनि, स्वरोदयं स्वयां नं अपगाल न्यनेमालि धका शका जक याना \* \* \* \* \* युलित तःग्रंगु छु अपगाल दनि ! (लागिमगि चाया) हिं, हिं, हि, हुं मकः हिं (कनाम्हेसित धाइ)

गुरुमाँ--छाय् ? मि नोय्कयगु ला ?

सिद्धि--सिं निका स्वका नं कया हिं हुं !

गुरुमाँ--छाय् ?

सिद्धि--(जंगजुया) छाय् छाय् का पुन्या । अलच्छिनपि, ब्ये, जिं हे कया हय् (वनी)

(गुरुमाँन्ह मि हया खाइ, सिद्धिवन्तं मि न्याका खुका हया मकले तइ, धयो लुई मि पुया, इताः च्याका सिं छवयकइ, पिलाय् तःअ चवंगु बःचाधंगु सकू पिकया दनदन मि छवःगु मकले दुइ त्यनी)-सुत्रणं सिद्धि करण भश्म करण (गुरुमाँन्हुं ब्वाय् वयालि सिद्धिवन्तया लहाती चवंगु सकू लाका काइ, सिद्धिवन्तं हान व सकू लाका तुंकाइ, थव सफूनिं जित भश्म यात धासेंलि जिं नं थव सकू यात भश्म हे पाय् ।

गुरुमाँ--सफू दु न्हां गुगुं बछते ज्वाय् छपले दइ, विधि जक पुरे मजुल ला ? छकः मजीवं हानं मजी ला ? हानं सकू लाका) म्हा बीमखु जिं जा ।

सिद्धि--मिखां भ्राय् भ्वाय् स्वया) अगो जी म्हे, छिमिसं स्वनेमा का जित (दना वना हरतान सकू लाका मी दुया) हा हा हा!

( लाय् बुई ) नल, नल, जिगु दँ नं दँया ज्या, गनं दइ मखुगु त्याः, आ हाहा ! गपाय्चो च्याः ! स्व-स्व, ( कलाः म्हेसित ) ग्याःला छ ? च्याः मखु, स्व धात्थे च्याः ! ( वें थें जुइ ) छ त्याला कि जि त्या ? ( हानं शान्त जुया ) छु याय छ न द्या, जि न द्या, कर्म थ्यागु सुया छु लगेजू ? जुगले स्याःला ? हा, हा, हा, हा ! ( ग्वाराक्क गोतुला मूर्छा ज्वी )

गुरुमाँ--छु त्या ! स्याला नीला ! ( लिक्क वना स्वया ) हला, दनासिसं ( ह्याय् ज्वना साली ) मिखा कना दिसँ ( छु लगे मजुया खा मेकुं का खवखना सः वयका ) मखुथे जुल, मखुथे जुल ..... बाबा जि छु याय् ? हे तलेजु माजु ..... छु याय् हुँ उ उ ( स्वइ )

### ( आनन्द मल्लया प्रवेश )

आनन्द मल्ल--छाय छाय तताःजू, छाय छाय खया दिया ? छु जुल ? सिद्धिवन्त जोशीजु छाय थन धंदिया च्वन ?

गुरुमाँम्ह--अन छु जुल माँराज ? सःता नं लिसः बिया मदी, सास ल्हाना नं मदी थें च्व, हुं हुं उ उ ( खस्त्रि हुइ )

आनन्द मल्ल--( नाडि स्वया ) सय् धुपाय् दला ? छपु बिया दिसँ ( गुरुमाँम्ह हथासं कोठाय् द्रहाँ वना धुपाय् छपु च्याका हया गोतले तया बी, जुजुं न्हासें थ्यंक कुँ वःगु धुपाय् नतुंकइ, अले सिद्धि वन्त सास ल्हाना छयोँ हीकइ )

सिद्धि---हु ( मिखा तीसिनातुं ) असिद्धिवन्त, थौं जि असिद्धि वन्त .....

आनन्द--मखु, मखु, असिद्धि वन्त मखु; सिद्धिवन्त हे छः, ( ल्हा ज्वना फेतुकेत सनी ) दनादिसं ।

गुरुमाँम्ह--छलपोल बिज्याना खं ल्हानालि अथे जक हला-दिल, अले व सफु मो दुपादिल ।

आनन्द---ऊस्केजुया ) हाई गो ? गो व च्यानाचवंगु सफू ला ?

(जुरूक दना काचाक लिकया लिक्क च्वंगु दुरू बाटाय कवपवाना)  
धिकार, जि खमने, दोष जिगु हे खः जि याना, विवेक मदय्का थथिङ्गु  
अमूल्य गून्थ भश्म जुइके माल (सफू लिकया) का आखले हे लात-थ्व  
सफ ता लाके फइतिनिला ? च्च ! च्च !

सिद्धिवन्त--(दना) अहो महाराज ! हानं बिज्यानाला ?  
जि छ्वेके धुंगु सफू हानं प्याका बिज्याना ला ?

आनन्द--“ला मखँ न्यात्वाः” लुँ मखन धयां लुँया मा हे फुत,  
जि हे याना ।

सिद्धि--(छक्क चाया) आज्ञा दय्का बिज्याहँ, छु याना बिज्या-  
नागु, छु छु जुल ?

आनन्द -- छु धाय् ! दिक्क चाया जुगु तःधंगु अलच्छिनया  
लँ खनी बल्ल मनं चाल । ‘मन त्याःसा त्याः मन बुसा बू’ धयागु टुक्का  
सत्य खनी ! जुय माःगु मज्जी मखु, मज्जीगु हानं जुइ मखु, छाय् थ्व  
ताप धका मन थात तया च्यागः दालाय फि प्वका स्वया, च्यागलदस  
लुँचूँ व लुँया फिगःचा प्यहाँ दल ।

सिद्धि --(लय्ताया) धाथे महाराज !

आनन्द--जि न फसखँ लहाइला ? जम्मा लुँ छाय् मज्जुल ?  
(मि नया ल्यंगु सफूया पौ पुइका) छु यायगु थ्व सफू, मेगु ल्ह्याया  
खण्डित जुगु पुरे याय ज्यूनि ला ? जम्मां लुँ जरु छाय् मज्जुल ?

सिद्धि--अथे जुइ माःगु जा मखु । गथे जुज मस्यु । (नेपथ्ये-  
खः खः प्रधानजु, महाराज तले बिज्याःगु खः, व छु महाराजया हे सः  
खः, बिन्हाबि,

सिद्धि--अन सु, ल्यं (मन्त्री, कोटवाल व सैनिकया प्रवेश)  
आसँ प्रधानजु, [इमि महाराजयात ज्वज्वलपागु लहाती कदछुना]  
भागिगई]



आनन्द--छाय छिपि हतासं मुना वधा ?

मन्त्री--महाराजया जय ! कान्तिपुरं दूत वधा चवन । श्व पत्र करकमले छायात् जवना वल । 'थत्थे' थत्थे' थत्थे' धका इमुलिन्यापि थे' भभः न्हया । 'महाराजयात दर्शन याका व्यु' धका हाला जक चवन छु हे याके मव्यू । गानामे थ्यंकं चाःहिले मानिपि ह । पत्र थ्व हे खः (कौ छाप तया लःथ्याना तःगु भो बिई)

आनन्द-- (छाप स्वया प्वली) ना वदनाहि, छु धया हःगु थ्व

मन्त्री--(पत्र कया व्वनि) "स्वस्तिभी यवम्ह किजा महाराज आनन्द मल्लयास्त श्री महाराज जयदेवया भावान शुभाशिस बिकाल यासे हया कुशल जूव मखुला, छपनिसया धर्मन जिपनि आनन्द फया थुका थिथि बिकाल भाषा थुति, उप्रान्त जिगु दे कान्तिपुरया ववथुछे'स चवनम्ह शंखधर साखवाल नापम्ह बतिकया छुवे'स थनि प्यन्हु न्ह्याव छोया दूतानिसेव आपालन लुंगलचाया दू हे प्वनकाव वनगुलि व धनन नेपाल मकभनेया मनुषया सुयान सुयाके कायमाव बियमाव सदयकाव सबत हियकाव छवयगु, हान श्री पशुपति देवगलया दक्षिण द्वारस थुगुलि दूतान्त जायकाव खम्वा स्वानाव थवगु शालिक छगुलि न तयगु; हान वया छुय्या न्ह्यावने लाछिस छगोल चैत्य इयकेगु थुति स्वता याय दय-माल धक इनाप याव तवगुलिन तवधन मोक्षया लं कायत स्वत धक भालपाव द ज्यूले धयाव मावगु यानाव चवना । भिठ ज्या बुलुहुन याय धयागु मखु धयागु लकाया अधिपति जुया वनह्मदशग्रीव रावणया ख म-तिउ तयाव थनि कल्लन हे नतान व साख्यालया इच्छा पुरय यायत था-स थास पत्तिन ग्राम ग्राम पतिन मनुख छवयागु दु । आव आमकन छ-नगु देशस जुल,मेवमेवगु ग्रामस न गुम्हसिया गुलिगुलि ऋण वयनाव चवन उगुलि ल्याख वयकाव याकन लुंया भावन पुजेत थुलि माल धक चवया हय । ल ल लुंगलचा छवयाव हय । धर्मया ज्या खव । न्हुं वगु संवत

चजन यावलनस नेपालस थव थव जुजु पनि जुया च्यन धयागु जा परन्तु  
तरु नाम जायवा च्यनि बिलम्ब मज्जुय माल । इति शाक्य ८०२ कौञ्ज  
थव कतिपुह्नी शुक्रवासरे शुभम् ।” ।

आनन्द मल्ल— देवो बिवित्रा गति, छु थव क्षीग्धन जा मखु-  
ला ? देवदूतसें प्वंका थकुनु हें, लुंया फि हे ज्वी व ।

सिद्धि — प्वन्हें न्ह्यो धाल थायव (पतिवा ल्या ख्यात) पुन्हि म्हिग जु-  
ल थायव एतादती सोनबार खुनु हे खः गुखुनु यात जि सायता बिया

आनन्द — अथ्य थय्य हे धाय् मफुकथं जल । थव साख्वाल  
धाःह्य स्यनं जकं सीका न्हापा लाकल ला ? कान्तिपुरे न थव शास्त्र  
दु ला ?

सिद्धिवन्त — गन ! जि थुलित धायफु थव सुवर्ण आकर्षण बिधि  
आः तरु मुगान पत्ता ली याः गु नं खड्मखुनि, लिया लिया नं फइम-  
खु । थव बिधि पिकायन जिः ख्याल मेहात परे जल ला ? हरे धाय्  
माल धाःला जि ज्योतिष शास्त्रे छुं भति सिद्धि लायव ‘सुवर्ण सिद्धि’  
पिकायगुलि चा न्हि सँग आःला सिधल धका महाराजयात जाहेर या-  
नाय ... ..

आनन्द — भला आम उद्योग सफल जुल, फज काःमह साख्वाल जूसां ।

सिद्धि— महाराज ! सु सु फि काःवपि खः उपि सकल सःता  
स्यता बिज्याःसा ‘छु जल ख’ सिइला !

आनन्द - अँ ... खँ ... का । अय मन्त्री हुँ हुँ छिपि सइले  
वना उखुनु छु वयापि भरियात सःता थन हे याकन हिँ ।

मन्त्री— दूतयात छु लिसःबिया छुवे ? आज्ञा दयका बिज्या-  
छु ।

आनन्द—लिसःलास बीगु खँ मखुनि हँ न्हापां शीसँ उखुनु छवयापि भरियात थर्थे वनाहिं । नायो जुया वन्ह सु ?

मन्त्री—‘एकाधचा’ थन तुम्ह ।

आनन्द—न्हापां वयात वनाः वया पासापि नं हाना हिं । हँ हँ ननानं ।

(मन्त्री व कोटवाल ह्वाथे महाराजयात नमस्कार याना बनी)

आनन्द — (सफु पुत्तु प्वीका ) हानं साःलाके ज्युनि ला थ्व गूथ ? अगय सकं याकन मी दुइ हयाय ला ?

सिद्धिबन्त — (गूथ ताउति तक स्वय धुंका ) महारज, भाग्य धायला धाःसा थुगु अवस्था उबी धुंकल, ग्य भाग्य धाय ? अभाग्य नं जा मखुत । गूथ जम्मां भश्म भजुनी बले छःपिसं थन तक कष्ट याना बिज्याना उधवार याना बिज्यात

आनन्द— आः छकः मेहनत याना थ्व गूथ पूर्ण उबीक ल्हाय माल । गुलि वर्षया मेहनत छः हानं गुलि लगे उबी भाक्व खर्च बिया हय- । कुत याना फतिफतले याकन गूथ पुरे याना दीमाल ।

सिद्धि — आज्ञा सिरोवर महाराज !

आनन्द— बल बल, भरियात वना हल, न्यने छु जुल छः ।

[प्यम्ह भरीया, मन्त्री व कोटवालया प्रवेश]

मन्त्री — थिपि हे का महाराज !

(भरियात थरंर खाना ल्हा विती याना भागी याइ )

( भरियात — भचा लिचिला पाँ मध्वीक ) प्रभु, जिमेगु ज्यान छत। कया बिज्याय मते महाराज !

आनन्द— छु धयागु ? सकलं फेतु ।

भरिया- छम्ह-छयें जहान रुचाखाचात दु, ईपि नाप हने  
मगनि ।

आनन्द—का स्व थुखे, उखुनु लखु तीर्थे बनापि छिपि मखुला?  
भरियात--प्रभु !

आनन्द—एकाधः धयाम्ह गुम्ह ?

मन्त्री--(एकाधः क्यना) थुम्ह हे खः महाराज !

आनन्द--स्वाल जूगु ज्वी धुंकल, छिमिसं जूगु खँ भतिचा हे  
मराक धयाम्हि । भतिखु विष्णुमतीया न्ह्येने छिपि थ्यबले मसंचाति इले  
खःला ?

एकाधः—छांछां खुं त थें वना, चच्छि दुःख सिया, म्हाय् ज्यू  
मदु ग्यःगु । धों खिचात थुखें तुई ह उउउ यःइगु उखें उखें बहाउ  
बहाउ उना चननिगु । भूत, प्रेतत हिला जू उलिहे मदु, अथे जूसां महा-  
राजया आज्ञा शिले फया हया ।

मेपि भरियात-- शिले फया फि हया, शिले फया फि हया प्रभु ..

आनन्द--सायते लाःला फि कयाबले धयागु का, ताहाकः खँ  
छु ल्हाना ?

भरियात--लाः प्रभु, नायो नं 'कातु' धायवं तुत्तु तुया हयागु ।

मेम्ह भरिया-- लिपले जकं वनाबले थियि खवा सी ....

सिद्धिवन्त--(खँ त्वाःल्हाना) छु ? हानं फि काः वनाला ?

एकाधः--गन वना भाजु, मवना ।

मन्त्री--(तमो पहलं) थमि खँ मिले मजुल, निश्चय नं ज्याना  
खँ ल्हात महाराज ! थपि थानाखितय्त नं मयासें न्याइला ? हति  
खिपः !

आनन्द--(तमं, खँ श्वीका मखु मखुथे धासा चि जक

जीगूला, छंयगू खिपतं पिलाववे कि पिलाववे स्वाय् स्वाय् दाय्गु का थमित ।

(कोटवालं छंयगू खिपः याकुप्वालं पिकया न्याय्कई)

सिद्धि--अथे ला मखु अये बाबुपि, जूगु ज्वी धुंल, छिपि वना जया गथे गथे जुल बांलाक खँ कता हिं !

मन्त्री--(भचा नाइक) अँ, हानं छकः छाय् छिपि लखुीयँ वनागु ?

एकाधः--लोमना चवन, कि कया हयागु वहने हे लाःला मलाःला धका स्वःवनागु ।

मन्त्री--लाःला ले ?

भरियात--लाः प्रधानजु, ह्वने हे लाः ।

कोटवाल--ह्वने जा लाः का स्वाल, न्हापा हयागु कि गन तया वना ?

आनन्द--अँ खः खः कि गनं तया वना लाकी ?

छम्ह भरिया--अन -- ...

एकाधः--(खे त्वाल्हाना) छिपि सुं क चवँ, मा.गु जि हे धाय् ।  
(जुजुयात स्वया) महाराज, कुबिया हे वना जिपि ।

मन्त्री--थव नायो जूम्ह हे चण्डाल । सुं क चवँ छ ।

(व नंवाम्ह भरियात) गन अन ?

(सुं हे नंमवासे वक्खुना च्वनि)

आनन्द --चण्डालत, (मुमुंरेजुया) खँ स्वीकल थमिसँ । का, प्यपुं क च्यु थिपि प्यम्हेसित, पिलाववे स्वाय् स्वाय् नक्कि थमित ।

(कोटवाल व अंगरक्षकतसें खिपतं भरियातय्त चीत्यनि)

भरियात--(विन्ति यानातःगु लहा खाका ग्या सलं)

म -- .....महाराज क्षमा पवने ।



सिद्धिबन्त—महाराज, श्व भरियातसें आज्ञा उल्लघन यात पक्का ! अथे जूसा यथार्थ खे न्यनेत थिसित अमयदान बिद्या विज्याय् माल, थुलि छःपिके पवने ।

आनन्द—तमो स्वयला श्व चण्डालतयत छु मयाय ! स्वाल छिस हे थुलि घासें लि श्व बेइमानतयत शास्ति थाय् मखुन का ।

मन्त्री--का, महाराजं उलि आज्ञा जुसें लि मयासे कं ।

भरियात---जय जय महाराज, जिपि अपराधी ज्वीमाल खः दबरि हयागु फि लिपते काःवनागु जक हे खः ।

आनन्द--(हयाय् चाया)हां ... ! न्हापां हयागु फि पन वन ले ?

एकाधः--न्हापायागु फि देशे थ्यंबले छो ल्वील्वी घाल । छम्ह मनू नाप लात; व खना 'आम छु कु' धका न्यन । कापतं लोपुया हयागु जुया खमू गाखी ज्वना जिगु दाताया कापः उलो स्वत । छु खनी वे ? फिन तुं मखाः ! जिपि अले खःमू च्छीका हाचाहाछां वया । व मनू झुले जुया च्वंतले जिपि प्यम्हं सलं मताय् क तापाय् धुंषल । अथेक लिफःस्वयां जा व्वाय् व्वाय् वया च्वन । श्व दशवी छम्ह लिपा लाःम्ह-सित राहुं ल्यूथे लिना न्यन । खःला दशवी ?

दशवी--खः धया, न्ह्यन्हावना 'छिकिपि हवपं झापिथे' च्वं खःला' घाल । सुथनसि मखुगु खं गथे ल्हाय्, ख धया । अले जा 'गन कया हया, गनयात हया, गुबले वया, गुम्हसेन कायकःहल' धका कुत्तु कुला न्यना तो हे मतोतू । जि छु याय् ? हुं नाथो याके न्यो धया । अले एकाधः दाजुयात साला वया छेँ यषल नाथो वथाय् जिपि नं वना ।

एकाधः--अँ ... स्वपनिसें झापि, हानं हवपः थ्यंक कु कुबिया लिहां झाय् मानिपि, छु, भति चिपं थिया झासँ धका कोठाय् यकल । अले ल्यासेचाम्ह बांलाक मिसा अति उवना म्छाः प्ह याता दुहां दल ।

सिद्धि--स्व ! गपाय्चो चंख बजाः !

आनन्द--थिपि जुल ध्वाइः, छवला बांलाम्ह त्यासें तया  
व्यूगु तो बले दैत्यथे मोह जुया छुं हे धाय मफुत थिमिसं ।

भरिया छम्ह--अ, जिमित जा जीचापिन्त छु मानेयाइ, उगु  
बखते चाकुमली, ला, ल्ये न्ह्यो च्वंगु ला यो धातले !

आनन्द--स्ये, स्वे ल्हया काःसां छुं हे धाईपि मखुत उवी का  
थिमिगु छे न्यनेबले !

सिद्धि---ऊसुका तया) हँ ! बंजाया बुद्धि जिगु विद्यायात  
त्याका कया बिल, वाह बुद्धि ! जिगु उलिमछि मेहनत, वःदमछिया  
ल्याः, ज्या व बंजाःया पलखःया बुद्धि बशे कया बिल । अले, अले ?

एकाधः--नयनी धुंका स्वयाबले दाचाय च्वंगु फि छदो चिना )  
'मेगु फि कया ह्य न्हि ? छिकपि गजि छसा छसा साला दिसँ' धया  
दाला फुक्क ज्वना वने त्यन । अले जि 'भ्वाल, छितः माःसा जिमिसँ  
मेगु फि कया ह्य' धयां न्हापायागु फिदो सुखू छपाः हया तोपुया बिल,  
अले छु याय् ? न्हापःयाथाय हे मेगु फि कया हया का । थुलि का  
छिमिस स्यूगु, यानागु ।

सिद्धि--उगु कथं जुया वंगु जकं, फवाय् जुइला फिया लुं !

भरियात -आछ्या ! लुं उवी माःगु फि ला व ?

मन्त्री -अले ! (आश्चर्य चाया) व बड्जालं अय्लाः छथ्याकां  
अपाय्दो लुं लाकल का हे, च्चच्च !

१ म्हम्ह भरियात--धिवकार का अय्ला त्वपि जिमि बुद्धि !  
त्वने मखुत, धरोधर्म त्वने मखुत प्रधान भाजु आवनिसँ अय्लाः थ्वे !

भरियात-- (छपाखं) खः खः नमस्कार का तापाकं हे अय्लाः  
थ्वे यात ।

मन्त्री--थिमित तोता छवयला महाराज !

आनन्द—थिमिगु न छु दोष ? देव छले याइबले न्ह्यागु कथं यासां मज्यू ।

(भरियात नमस्कार याना 'जय महाराज' धका पिहाँ वनि)

सिद्धि---महाराज ! संसारे काग्य तुल्य बलवन्त छुं महु । भाग्यया आधारे चवना चवन उच्च कुले जन्म काय्गु, जन-धन-संपत्ति दयकेगु ।

मन्त्री---“भाग्यं भवति सर्वत्र नविद्या नचपौरुषं” भाग्य दःसा न्ह्याथाय नं दु, बिद्यः वया जक मज्यू, पौरुष यानां जक मज्यू ।

सिद्धि---स्वया बिज्याहुं महाराज, सत्ययुगे स्वीरवकोटि छोट व वंत्तत मुना समुद्र मथन याःबले उच्चैश्रवा सल थाहां चल, इन्द्रं कया-बिल । लक्ष्मी बल, विष्णुं कया लाल । थुगुकथं अनेक पदार्थ बल, देवता व दैत्यतसें काल । आखिरे कालकूत विष थाहां वया संसार भशभ याय् त्यंबले संसार रक्षा याइम्ह सु ? सकल लोक उद्धार याय्त् ओ भोलानाथ महादेव नुना बिज्यात । व विष ककुइतुं थाकातगुलि वरपो-लया नाम नीलकण्ठ जुल । शिलुतीर्थे गोतुला च्वम्ह महाछोया गःपः आतक्क वंच्चुसे च्वं । भिभिगु वस्तु वःसा देवता दैत्यतयगु हँ, कालकू-तया बिष डाह जुइका जुइगु अक महाछोया । थ्व हे अखा निर्विवेकी भाग्य धयाम्हेसिया ज्या !

आनन्द---आमथे खः । छिसं भिगु वेला जुइकल, लुं काय्त् जिं ज्यामित छ्वया, साख्वाल्यात चूलाका बीत थें का जूवःगु ! छु याय् आखिरे कर्म लेखायात माने मयासें मगाना वड । नेपाल संबत् चलेयाइगु जुल धासेंलि-थ्व ज्याय झीगु न्हय नं ज दत । सिद्धिवन्तया उद्योग मदुसा साख्वाल्या कीर्ति गनं दइ ?

(महाराज आनन्द मल्लया खँ न्यना सकल भाग्य तःधला उद्योग तःधं ला धका घुरे जुया च्वनि ।)

# नृसिंह अवतार

स्थान:—अध्ययन कोठा

समय:—ने०सं० ७७९ कछला थ्व त्रयोदशी, बहरी ७ घी इले ।

[ लिक्क च्याकातःगु त्वादेवाया जः खाताचाय् च्वगु पौली ला ।  
फुसे वस्त्रं पोविना तैतःगु सफून छगु चाङ हे खा । उस्ये हे अङ्गले  
गोपी कृष्णया चित्र तानातल । जुजु सिद्धिनरसिंह व्हाती कलम कथा  
बखते बखते कपाले थीका विचार पिकाथे याना दिसु ललं याना खा-  
ताचाय् च्वगु पौली चोगा च्वनी । साधारण छायापातथा कोठा । मेमेगु  
सफूलि नं पामा व्हायथ्ये तिनि ।

सिद्धिनरसिंह—(लय तथा हाहाँ भिकेमाथाय् भिका यंकी)

राग गौरी ॥ ज ॥

ताक ताति खति ताक ध्येति धां

ध्येन्न ध्येति खति ति नानां खः ॥

फूलपु ओस म्हस निरनी सदानं ॥

किलयकंकन बिन्धुं पथेगुलि ओसत । धु॥

बास शसतानस गरल गजियस ॥

सोलमाल हाल ओस आभरण हे स ॥

जटान एकुत चन्द्र कला धर वान ॥

गंगा माई स्नान होल जगत मोहन ॥ ॥

सिद्धिनरसिंह स्वामी पशुपति सेवा

गौरी सहित नर बिघन बिनाश ॥

(थुलि बवने सिधयव दंग जुया च्यापौ क्षिपौ प्वीकी, खालिपु  
पौ थ्यनेव चोई)

राग मालवा ॥ चो ॥

पुन्हिसया चन्द्रमा खवाल सम्पूर्ण कलान ।

नुगल सुमेर --- --- ---

नुगः मचोना कोठापिवायात सःती)

अन सु दु ? अय् भाजुबीर,

(हतास भाजुबीर बई)

भाजुबीर — (ल्हा जपा) आज्ञा प्रभु !

सिद्धि—मेगु मखु, प्याखँ हुइकुगु ताउ जालला ? (घौ थाना  
हःगु सः वँ) का, बन्हिसया न्हयघौ जाल । थौं हे ३२ क्वचायेके धैगु  
गोमा गोया (ल्हा पुइका) छु याय् ? गीणीनाथ प्रभु, शरण (मिखा  
तीसिना कृष्णया चित्र स्वया नमस्कार याइ)

भाजु — महाराज, “ॐ नमः शिवाय” धया थक्क थक्क हाला  
प्रल्हादैन आखः स्यंगु ताय् दुथ्ये मदुथ्ये च्वँ । अपायसकं हुनुनुनु दिन-  
नत च्वँ । मुलुच्वका दिकेत थाय् मदु । न्हाच छक मन मचौना पुलुकक  
स्ववनाबले ला दैत्य गण दबुली खने दत अँ - ---

सिद्धि—म्बाल का हुँ, स्वया हे च्वँहुँ । बरू नृसिंह भगवान  
पिहाँ बिज्यागु ताक स्वया थन सूचं व्यूवा । बल्ल १५ पुगु, थौं जक फल  
३२ थौंहे च्वचायक्ये थाकुइला ।

भाजु—प्रभु (विन्मि याना च्वनी )

सिद्धि--हुँ, म्वाल हुँ !

भाजू--(अर्थे दना बिन्ति याना हीन भाव) छता ।

सिद्धि--छु ? छंगु मती च्वंगु खँ जि सिल । पुता श्रीनिवाशं जित तोते मते धका धैतल ज्वीका मखुला ? म्वागु तन्ता ! जि गन वनी ?

भाजू--महाराज, जिगु चिकिचाधंगु बुद्धि लूगु शंका छगू दु । थुगुसिया कार्तिक प्याखँन कार्तिक प्याखँ दुइका बिज्यागु १२ दँ दत । उलि हे दँ लही धुन । थौं समाधान याय् धयान छल्पोल मतेक मबिज्या सिधयक्ये थाकुइला धैगु आज्ञा जुया बिज्यात । गुलि लच्चना स्वेधुन-त्वादेवाया ववसं मतं गुबले मखं ।

सिद्धि--१२ दँ दत ? . . काल वेत वनेत छु मा का ? जि जुजु जुया ४० दँ दैन । (भति बिचार गंभीर पहलं) भाजू ससार चाहिलावं वन, वन . . सँय्त्य् मणि हीकीबले गट्टा छगः हुते ज्वीत गुलि सनी, अयनं थव निसुगु सिखः बल्लातल्ले संसार पाख्ये अलग्ग ज्वी मफु । छु छगु शंका ? धारे धा ।

भाजू--छल्पोलया पगल ज्वीमाली धका साप हे गया !

सिद्धि--छाय् धन्दा ? जिगु ज्याय् छं धन्दा कयाँ लिलाला ? बरू याकन धा रे छु ? छु खँय् शंका जुल ?

भाजू--मेमेगु छुं मखु । मा'राजा, थौंया प्याखने दैत्य पाखे 'ॐ नमः शिवाय', देवता पाख्ये 'ॐ नमो भगवते वासुदेवाय' याना छाय् भेद कयना बिज्यानागु ? हानं गुलि हे दत हरिशंकरया मूर्ति न स्थापना याना बिज्यात ।

सिद्धि--श्रृष्टि लिपा स्थिति व संभार दु । संहार छलःयाके स्यंकेगु बाँहेक नं भिकेगु ज्ञान दैमखु । ज्ञान व विज्ञानया रूप खः 'हरि-शंकर' । थुकी ताहाक खँ दनि . . हनि दैत्य म्वाक्ये धुंका बिज्या-



इला . . . आ हे नं बिज्यायफु श्री महामहोपाध्याय गुरुजु . . .  
 वसगोलया बिचार नं न्यने । अले . . . (नेपथ्ये 'महाराज, महाराज'  
 हाला हे ) स्व, स्व (हुतासं) सु हाँ वम्ह थ्व ? छाया हागु तस्सकं ? मः  
 जकं जुया मनू कात ला ! (भाजुबीर वनेत्यनी)आसे स्व न्ह्याम्ह हे  
 जूसां थन हे व्वना हि पुता श्रीनिवास खवप दे, यँ दे, खोर्खा थासं  
 थासं वणि गण्य माण्य जनयात स्वागत.यायाँ इप्प कना जुल ज्वीफु . . .  
 गथ्ये मः जुन थ्ये ? गनं गनं नस्ये वणि दे ! भाजुबीर वनी)कोटवाल  
 यात मागु तालाक्येत माहाँत अप्पो हाना छ्व धंगु जा दु । छाया खः ?  
 (धन्दा काई)

नेपथ्ये--(थुख्ये, थुख्ये, दुनेवा)

(भाजुबीर व मेम्ह निम्ह कृषकया प्रवेश)

भाजुबीर--महाराज, यिपि हे का ।

[निम्हसेन नमस्कार याई]

सिद्धि-- निम्हसित नं तुंक स्वे धुंका) सिंहोताफुली मखुला  
 छ्ये ? छाया हालागु ? थायथाय्यापि वया स्ववणि दे, अथ्ये छाया  
 हालेगु ? इमित बाँलाक क्यनेमा । प्याखं मखु, छु खँ दःसा न्हाच सुथे  
 बःसां ज्यू-कन्हे सां ज्यू ।

हखमां--न्होपां कोटवाली वनागु मा'राज, साछि प्रमाण मदुगु  
 धया बुक्येयाना मका - थथ्ये जुल धाय्व जिपि मफुई ?

सिद्धि -छु ? विवाद दत ?

हखमां--भुयूदायं जिथाय् अकाळाकां वा निकु प्वंक्वे हया पाबं  
 क्यंक्वेत स्वत ।

सिद्धि--छाया ले ? बाँलाक जूगु खँ धारे (भूयात स्वइ)

भूयू--मा'राज (ल्हा व्वेका क्यना) थुमी लाछी जिगु वा द्वे

थुथाय्, उज्यां व हखमांया वा द्वे । तयाबले सज्यांत पीगू प्या वाया म्हीग वा पा गाका दुत हयां पीकु ननुं वा दःवल । निकु वा जा सुपा वनेमागु । अप्पो दःवल । (खखना सलं) राजस्व, देवस्व, ब्रम्हस्व स्वयानं कव्येगु हिचःतियां कमाइ पचय् याय् थाकु । हखमांयागु वा जकं जिगु द्वे ला वलला धैगु मती च्वन । पापं क्यनी धका ग्याना एकादशी खुन्हु न हे मनया, छां हे लाना । जहान भोछि भुग्लुं भुग्लुं ।

हखमां--गुलि खँ ल्हायसः ? एकादशी खुन्हु सुतां नै ? छं जा शंका जक जुगु, जित जा ऊन पापं क्यंके हःबले ? थः गथे अध्ये हे सकले मखुला ? जि नं रहा दु, तुति दु, ज्या याना नया च्वना । स्व, छंगु नय म्वा !

सिद्धि छु वा ?

निम्हं--जिपि निम्हसियां हागु वा, छु मपा !

सिद्धि--(हखमांयात स्वया) बीका कयां पाप मदु । अय्नं छं मती मसंसा सुं दुःखीपि दःसा दान या ।

हखमां--(ग्यापहलं) छमना नय मखँपि सु दु ? जाकि छमना दान याय्त हामो संहू वेक्यमा, कंगः पक्षियात होला बी धाय् अन्न अन्हा दनी, अन्न बर्बाद थ्ये पाप मदु सुचुक्क नैला मनैला ? जिगु मती सूगु पू लिकया बिज्याहुँ जनिगर बित्ति, मा'राज कोटि कोटि बित्ति ।

भुयू--हखमां यागु मखुसा स्वेगु ज्वी ?

हखमां--मखुसा !

भुयू--खय्मा मखय्मा जिगु जा मखु ।

हखमां--जिगु नं ख हे मखु, ख हे मखु ।

सिद्धि--हाले मत्ये आसे - ...नाप नापं च्वना वयागु शेष नयमखु धैगु गर्ब छता गबलेसं याय् मते । बरु छिमे मन मस्वसा दापा

खलः, भजन खल; गुथीगानाय तंब्यू, ल्वापु छ्यापु याय्मागु हे महु ।  
अन नं मकासा...प्रजाया धर्म चवतले जुजुया जय ज्वी । “यतो धर्मो  
ततो जय” प्रजाया रक्षाया अर्थे आ पाप मुनानं कुबी मछासा जि कुबी  
त्यना-जि ... ..

निम्ह--क्षमा महाराज, श्व वचन लितकया बिज्याहुँ ।

सिद्धि--धन्दा मरु, म्वाल हुँ छिपि, हुँ, हुँ

(भाजुबीर निम्हसितं पनायंकी-मंमरु वनी)

(संतोष चाया) धन्य धन्य जि प्रजागण, इमिगु छम्हछम्हसिया मन हुँ  
स्वर्ग थ्ये यच्चुसे चवँ, किचःकाचः महु । मंग हितिया लः थ्ये लपन  
छपन महु ।

## [पं. विश्वनाथया प्रवेश]

पं. विश्वनाथ--स्वस्ति महाराज, छाया् एकान्ते बिज्याना, थौं  
प्याखँ स्वया बिज्याय्गु मखुला ? (आशन ब्यूगुली फेतुई)

सिद्धि--नसिह भगवानया दर्शन छक जा याय् धैगु । (चवया  
चवनागु सफू न्हासाला) थुलि थौं हे सिधयक्ये मती तया .....

गुरु--हथाय् छाया ? (चवयातःगु व्वना र्वे)

सिद्धि--(उख्ये थुख्ये स्वे धुंका चीसकं न्हायपने थ्यंक वना)  
व दिन निदँ हे म्वाले धुंकल ..... श्व पुराण १८ गू नेपाल लीपि  
चवकागु बुंगदेया हेलुखाबासी जानकीनाथ चक्रवर्तीयात दान याय्गु मन-  
सुवा, ७२ साले तीर्थ वनाबले हरिद्वारंनस्से नाप व्वनाहयाम्ह तद्धम्ह  
विद्वान खः । छगू भिगु दिन ?

गुरु--(पात्र पिकया बिचा याइ) आ गैगु हामो सँल्हू हे उत्तन ।  
(भुनुभुनु हाला पतिचा ल्याख्वाई)

सिद्धि--न्हचकायेगु मदुला गुरुजु ?

गुरु—हचकाय्गु मदुगु जा मखु, अयन्हं हामो संलू ध्ये' उत्तम  
मजू—त्रिकोण स्थाने शुभग्रह ला । बार, नक्षत्र फुकं भि, आ... .. !  
महाराज, राज्य भार कत्ताय फुम्ह हे ख युवराज, छल्पोल थुकथं हे पले  
स्वां हःया लः ध्ये' जक जुया

मनयात बशे तथा राग द्वेषं रहित् जुया

विषये भोगेसं शान्ति लाभ जु हे जू ॥

श्व खः गीताया प्रमाण । ससार त्यागे छाय जिद्दी ?

सिद्धि—(ताउत घुरे ज्वी धुंका)

गुरुबाज्या, अयन्हं त्रास दु, हानी दु, बिचलितया लक्षण दु, मफु जि श्वः  
शरीर यात गुकथं छयले धुन । छल्पोलयाके सुचुके मागु छुं मदु—छन्ह  
जक नं आहार याय् धुन, फच्छि नं नय धुन; तःचिकुला कुने चुके  
नागापचि लोह खाटाय् च्वना स्वे धुन, हानं बःब फांगां फाया  
पंचागिनिया राप काय नं धुन, अयसांतभि आ चिकु चिकु धाया श्व गां  
मन्योस्ये मगात (गां बालाक ग्यई) ..... उक्ये .....

## भाजुबीरया प्रवेश

भाजु—महाराज, प्रल्हादयात थामे चित्त, नृसिंह भगवान  
लुंधवाखां पित हैन -पंचबाजा प्वी धुंकल ।

पं. विश्व —थथ्ये' स्वयानि बिज्यायगु मखुला -बिज्याकिला ?

सिद्धि - (जुरुक्क वना) बिज्याहुं (भाजुबीरयात) का नुं, नुं, ।

(पं. विश्वनाथ व सिद्धिनरसिंह वनी । भाजुबीरया सफू, कलम व मेमेगु  
थाते तथा च्वनी)

पर्दा

स्थान—काती दबू ।

समय—व हे बहनी ।

[काती दबुली प्यकुनेसं चिर ख च्याकातल । थामे प्रल्हादयात

चिनातल । सुकुन्दा चयना सफू स्वया म्हे हालीपि मुना चवनी । गुरू-  
म्हया ज.खः तिच्छु व झ्यालि थाईपि, प्वंगा प्वीपि जःबाहा, खःबाहाय  
ल्यूने ल्यूने । बिचे तस्ये च्वंगु भोतं मोरे यानातगु खम्बा (थां) तस्वा-  
का तल । दैत्यया गुथ्यारत दक्षिण कुने । कालकुल्ल, हाहू हलया शब्द  
उत्तिकं तायदु । राजगुरू पं. विश्वनाथ दबुली खनेदै । लुं झ्याले जुजु  
सिद्धिनरसिंह बिज्याइबले सकसिनं नमस्कार याई, “फेतु” धंगु इसारा  
वगुलि सकले शान्त अचल जुई]

दर्शक--महाराज गुलि दंग जुया बिज्यागु !

२. ”--थःम्हं बुझ्काम्ह कायं, थम्हं पिना सिमां शीतल किच  
नापं मिष्टफल सयकाबीबले स्वया थःगु कृति, थःगु ग्रन्थ, थःगु रचना  
थम्हं छुना म्ये सकसिनं ‘हाइ हाई’ घाइबले सु जक लय मताई ?

(मते इता तना चिकं लुई । मतया तेज अप्पो बइ)

छम्ह दैत्य गुथ्यार--आहाहा ! मतया जः लाबले हुं बांलास्ये  
च्वंगु २१ लुंया गजूया किसन देगः गुलित कःकः धा ! स्व पासा ।

मेम्ह--खः खः, हालेमते सुंक च्वं । हुं लोहया थामे च्वंम्ह  
गरुडं लिफ स्वया हैतिनि स्वयाच्वं बांलाक ।

दर्शक--का स्व, न्हाच दैत्यया ऊण स्व, आ स्वीपला फेतुना  
च्वंसानं नसिंह प्यहाँ वे न्ह्यो हे ऊण पानावन ।

मेम्ह--बरदान काल धयां कागु ला-अजर अमर मजूला ?  
शस्त्र स्याय मदु, अस्त्रं स्यायमदु, न्हिन्हे, चान्हे, बहनी स्यायमदु, दुने नं  
मज्यू, पिने नं मज्यू, आकाशे मज्यू, बँय मज्यू, ब्रम्हाया सृष्टिइ सुनां  
मोचके मदु । अयन्हं

(खि थाना हें ‘जय नरहरिदेव’ या म्ये हाली, थामं शब्द  
वई--अले प्रकट ज्वी)

सकले--जय नृसिंह भगवान् !

(नृसिंहया नृत्य... ..)

दर्शक--दैत्य जुद्ध योय्त्त दत्ता वल । स्व, स्व, जुद्ध शुरू जुल ।

दर्शक--गोचा वंकी ल्याख्या न्हि ।

... ..

दर्शक--का न्हि, का न्हि, पना पना हल ।

.. ..

दर्शक--आ जा छु ? अखयं चा काल धाय्व बिचा याय्मा का !

... ..

दर्शक--का ... .. आ विस्तार ज्वी मखुत -- स्व स्व !

... ..

दर्शक--का, का, का, दैत्यया गुध्यारत हथाय् चागु स्व । का

ज्वन--(नृसिंह दैत्यया छाती ज्वनी)

पर्दा





# जुजु विश्वजीत मल्ल

## पूर्वकथा--

ललितपुरया इतिहासे योगनरेन्द्र मल्लया म्हाय्, योगमती महा-  
रानीया तद्ध गु नां दु । योगनरेन्द्र मल्लया याक काय् म्हापां तुं मदया-  
वंगुनि थ बी स्वर्गवास जुसेलि योगमती थ काययात राजगद्दी बिया  
लायकूया चनेयानाबिज्यात । दच्छि हे मदुवं जुजु मंत । अनंलिपा  
नं थःहे संरक्षिका जुया न्याम्ह्याम्ह जुजुपि स्थापना जुवन । महारानी-  
या लहा दत्तने खुम्ह प्रधानतेसं छुं हस्तक्षेप यायेमकु । लिपा प्रधानत  
हे लायकूया मून हतीकर्ता जुयापिहां वल । उके इतिहासे ललितपुरया  
खुम्ह काजिमित 'तूप निर्माता' धका च्चोवंगु ख । राज्यप्रकाश मल्ल नं  
थुमिगु हे कुचक्रे लाना मदयावन धका धाइ । अनंलि जुजु याय्पि सुं  
मदया जुजु त्रिण्ण मल्लया म्हाय्छय् विश्वजीत मल्लयात भिखवाधन  
काजी हया जुजु स्थापना यानाबिल । विश्वजीत मल्लया मामं योगमती  
रानीया दसु कायेत्यगुलि द म्ह काजीपिनि नुग मुल । दोष त्रुटि मल्ल-  
तले प्रजागणया भयं कोथलेत आंठ याये फैमखु । लिपा-

## पात्र -

पुरुष पात्र--जुजु विश्वजीत मल्ल--वर्ष--२२

काजी धनवन्त

काजी भिखवाधन

काजी कचिंग

काजी सयेभा

छम्ह युवक--चाकवाहा काजीया काय् ।

पासिं--कोठा पिवा

मेपि--सेवक, धवाखापिवा आदि

स्त्री पात्र--राजमाता जुजु बिश्वजीतया माँ

हेरामाया  
हेराज्यान ] --राजमाताया भवःतित

दबुली खनेदयेके म्वापि--प्रजागण, सैनिकत व मैजु थकुं  
-कालिदास काजीया म्हायाय्, चाकवाहा काजीया काय्यात बियातम्ह  
स्थान--यल दर्बारया दक्षिणपाख्ये हःपाता च्वंस्संया बैठक ।  
समय--ने० सं० ८८० अंला १४; घौ ७।८ जागु इले ।

[दन्तइया बैठक । दक्षिण पश्चिम--कुं लागु पञ्चइया बवसं तुं  
महाराज विश्वजीत महलया तजायेक लासापे तयातःगु मूल आसन दु ।  
जः-खः निह्ये निपु ताताजागु महिष मदिनी भगवती बुगु बुट्टादारी  
त्वादेवा तयातल । फुस पाख्येयाथाय् त्वादेवानाप कुत्या हाकगु प्यपांचू  
तखताया छोने प्वाचाप्वाचागंगु गोलागु धूपखोरी नस्वागुकुं सहस्र  
धारा याना प्याहाँ वोगुयात दक्षिणपाख्येयागु ज्यालं दुहाँ वोगु फसें  
उत्तर पाख्ये लंग बैठक छगुलि मगमग नस्वाकाचवन । तुइक बंय् तन्ना  
कसेयाना अङ्गुलिक नबुया सम्पट लायातल । लम्पटया छोने अलग  
अलग छह्ये स्वया, दन्तइयापाख्ये स्वया बवलाछि जागु चकटीत लायात-  
गुलि स्वम्ह जक काजीपि फेतुना फुंगे लिधना चवनी, मेगु स्वपा खाळि  
उत्तरपाख्येया लुखालिक्क दना पासिं (बैठक पिवा) लुखाकाप मुना-  
चवन । अङ्गुले थाय्थासे छोया पौभा लायातल । अन्तरे अन्तरे सिवसि

सिद्धिनरसिंह, श्रीनिवास आदि न्हावायापि जुजुपनिगु चित्रनं खनेदु ।  
 मूचुके म्वाहाली मालश्री पुयाहुगु तायदु । महाराज नं मबिज्यानि,  
 हानं स्वम्ह मेपि काजीपि नं मस्तानिगुलि अतीतया संग्राम कया स्वम्हे-  
 सिया वार्तालाप जुयाचवन ]

काजी सिंहवाघन--व हे ला धौगु ? पृथ्वीनारायण शाहया नेपा-  
 देया म्बगुलि राज्य ल्हाते लाकेगु गोसा आ जा भाजगाया संग्रामया  
 गोफसं पुडकेधन धायेगु मखुत । व जा बोसा जकं ख; दया मखा दत,  
 हानं उमि सनाहये धुकल । उबले जा जयप्रकाश फुरंग चवन नि !  
 क लुपांडे छम्हेसिगु छ्यो छ्येनेवं छु पृथ्वीनानायण शाहया ल्हा हे तो-  
 धूगु जुल ला ? अहंकारी जयप्रकाश छु सिल ? कीसं फौज छ्वया  
 म्वाहालि मयागु जसा

धनवन्त--उबले हे गय् खः, छु खः । गोर्खा जुजुया पह हे  
 छगू ! व जुल लिपातकं मिखा ब्वेका ज्या सनीम्ह, जयप्रकाश जुल  
 रथया तल--न्हयोने वोगु जक मिखा खम्ह । (भति लिपा घुरेज्जी  
 धुंका) ख जा खः, पृथ्वीनारायात हटेयायेत जोग्यम्ह नेपाले जयप्रकाश  
 छम्ह जक खना ।

सयेभाकाजी--उम् ! मेपि ज्या .. (छ्यो होती)

धनवन्त--रणजीत मल्ल जुल कालसर्पयात याकुं प्याइम्ह ।  
 ऊ जुजु स दबेयाना) न्हू ल्याय्म्हचा, सिया प्रतिमा !

सयेभाकाजी---(भुनुभुनु) मिहासनया शोभा-छो मखा !

सिंहवाघन --(न्हायपने रानीमाजुं खँ रयनेधुंकुगु छाँट दु  
 वेकयात । कीस विचा यायमाल । वरु भिंखवालं धागु धका थुलि लुमं-  
 कातेदिसं-ऊ काजी खलकनाप सुनां विरोध याई वया विनाश न्हावाइ !

धनवन्त --नेपा राज्यते भाग्य गुकथं ख ! जि जा जयप्रकाशवाख्ये  
 मन हे सित । देखी सहमया बं कीत । विचा याना दिसं ।

## (कचिंग काजीया प्रवेश)

कचिंग काजी--नमस्कार पासापि !

सकसिन--नमस्कार !

कचिंग--छु बिचा यायेमाल ? (पयतुई)

धनवन्त--संग्रामया बिषये छलफल यानागु !

कचिंग--संग्रामयात जा हाई भाजंगाया संग्राम का ? 'स्वाकन वया, आ गथे याये' धाधां न्हचपं कले छवया पृथ्वीनारां भागाभाग ? स्वंगुलि राज्य मिलेजुतले वया अबु नरभूपाल शाह स्वाकाहसां फेमखु । (मिखवा, धनवन्त निम्हं म्हुतु ज्याना मिखा पतिपति याई; कचिंग काजी दंग जुया ल्हा संकुसंकुं थगु ताले हालाच्चनी) दशहरा सन्चवा-खुनु थन गोर्खा फौज, येया फौज टंकेश्वरं वया लिउने लात, कीगु फौज भाजंगाले, बिचे खपदेया फौज अले छु मानि ? गोर्खा फौज धूदन ! कालु बाहेक नाँ दंपि आपालं लात ।

धनवन्त--(भति झोंक पिकया) छु ? थापा मध्ये विष्णु तन्ध्या नारां, कार्कीते राणाशूर, चम्पासि अले बफे घर्ती धापि छम्हनिम्ह मीव तुं सुं हे मंत ला गोर्खाय् ?

कचिंग--द जा छाय् मदै ? अयनं गोर्खालीतेत छ्याय् हे माका जयप्रकाश नाप लिना । मल्ल जुजु मल्ल हे का ? जिगु मती जा

मिखवा --उलि जूसा कचिंग मदैका मखुला नेपाले ?

कचिंग--(तंमचासे न्हिला) कचिंग काजी मंत धाय्व मेपि काजी जक ल्यनाच्चनीला ? बरु स्वदेयां स्वामदूगु कचिंग मदयेका गोर्खालीत उबलेथे ख्यानाछ्वेमाथे च्व । मस्यु, की साहुति छु निर्णय उवी ?

धनवन्त--जयप्रकाशनाप जा उवीमखु, उवीमखु, उवी हे मखु ? की जुजु राजमाता व जयप्रकाशया छु गोसा ग्वयातःगु दु मस्यु, कीत

ज्या गछिनावैन याद दुला ? गोर्खा राज्य हान्नं च्यानावोगु दु । पृथ्वी-  
नारांनाप हे पाचीमा । जि उके शरण कया उखुनु हे गोर्खाली सदांर-  
यात चिवा कागुलि जयप्रकाशं स्यावेत्वो बले ! आ जा वनापं त्वाय्  
जुल, वैत उखुनु चांचां नालदूमतक तैवया ।

भिखवा — जिगु मनया खँ नं आम हे का ! ऊी कालिदास काजी-  
यात मखंला निम्ह नगरकोटे छवया च्यो तयेका चुके बळां त्वनाचवम्हं  
सित सिधयेकाव्यूगु, च्व ! च्व ! गुलि हे दत ! अज्याम्ह जयप्रकाशया  
नं विश्वास ला ?

धनवन्त--काजी कालीदास ख छम्ह पृथ्वीनारांनां ख्याय्मफुम्ह ।

कचिंग--स्वेमा, बिचा यायेमा, हथाय् जाहेमज्यू । लाय्कूज्याय्  
सु मित्र, सु शत्रु ?

धनवन्त--जयप्रकाश जा मित्र गुबले ज्वीमखु । उक्ये... --  
(सकले छयो लिक्कलिक्क यंका न्हाय्पने स्वां प्वो )

कचिंग--सिनावना नं सुख मंत का, व का (भिखवानं थःगु  
महुती ल्हा यंका हालेमते धका इश्रा याइ)

सयेमा---छाय् ? हुइच्चीं, हुइच्चीं, खँ दयेधुंकल देशे । आख  
तछ्याये सुं मछा थुलि हे जक खः ।

कचिंग--गन ! थन हे थ्यनेधुंकल धाल-चाकवाह काजीका  
काय्यात बियातम्ह । 'मैजु थकु' । थो निम्ह काजीपि थन मगागु थुकि  
हे जा ज्वी । कचिंग ला थन जकं जूवल ।

मेपि सकले--का, आम ख्या तोतादिसँ । थ्व कालिदास का-  
जीया जक बदनाम ला ? फी काजी खःलयां न्हासे लुफि हात, न्हाय्  
भ्वील ।

धनवन्त---(तम्बो पहलं) 'बिनास काले बिपरीत बुद्धि' (जुरुक्क  
बना तिमसलं) पार्सि ! ए पार्सि !!

## पासिं खनेदयेकवई

पासिं—ज्यू, काजि भाजु ? (पला चवयेका न्होने घया) आज्ञा ?

धनवन्त—जुजु बिज्याकि थत्थे थत्थे हे ! हुँ, हुँ याकनं ।

पासिं—हिंन्हिथे बुडयो दर्शन याबिज्यागु ताउ हे जाल, ल्याहाँ बिज्याइगु बखत नं जुल ।

भिखवा—(हक्का) हुँ सा हुँ, थन चवनेमते ।

## पासिं वनी

(काजिपि सकले न्ह्यायपलिकक भुनुभुनु खँ लहाई । बछते बछते छयो न हीकी, हानं छयो कवाई । मिखां मि पिकयाथे ह्यारुं क मिह । कना धनवन्त व भिखवाधन निम्ह हथाय् चाचां सुरेजवी । थुपि “थत्थे थत्थे” हाजाचवनी; अनंलि दनी । कविग काजि निम्हेसित लहा जवना ‘आसे आसे’ धका सावधान पायेत सनी । मेम्ह काजी जुजुया खपिपाखे वनेत संकेत याई । वंत नं कविग काजी... “आसे, आसे” धाई । पासिं ध्वांय् वोगु स वई )

## पासिंया प्रवेश

पासिं—महाराज लिहाँ बिज्यात.....तुति च्वीमफु, छु जुल थे दोले लुकुं छिका जुजु थुखे हे बिज्याइन...

(काजिपि सकले ननिमवासे थिथिख्वा स्वया अनेक शंका याना-चवनी । पासिं वनी । पलख जायेका महाराजयात बिज्याकी । नेपथ्यं ‘जय महाराज, जय महाराज’ हागु सः वई, काजीपि थः-थःगु आसने चवनी महाराजयात खनेवं सकले वनी बिश्वजीत महलयात लुकुंतुं



छिना महाराजया आउने दिके त्यतिबले 'आया, आया' धया हाला  
विज्यागुलि इयाफले दिकी)

विश्वजीत--उहुँ, उहुँ\*\*\*उहुँ (स्यागु तुति ल्हाति थिया)  
काजिपिताउ हे जाल थे ! जि बुंछो दर्शन यावना च्वना । लोकनाथ जि  
स्वल कि छछ्ये स्वया विज्याक \*\*

कचिग—अहो ! गजत्र !! गथे ख, न्यना हे दंगु मखु ।

विश्वजीत--उँ, उँ, उँ ! मेमेपिस धाल-न्हापा लिपा थे खः  
हं । ... जि स्वयां जा ... भिनकनँ छछ्ये स्वया विज्यात । (मिखा बुबु  
स्याना) मिखां पिचपाच हुना सज्यान्ति पश्चिम स्वया विज्यागु--  
अँ, अँ ! जिगु नुग भभन्हुल, (मिखाय् ख्वाबि जायेका) मिखां नं छुं  
मखनावल ... बल्ल बल्ल थन वया त्वाथले पला तया धका च्वनां न्या-  
त्यां प्रा पुल, तुति मकँजुल । छ्यो नं स्या ... त्वाथले बज्जेजुल ...  
उहुँ उहुँ (स्यागु तुति ल्हातं तित्तु ती; काजिपि सकले मति मति  
ख ल्हाका जुजुया तुती स्वया जक च्वनी, थथेअथे नंवाइमखु) दिसँ  
दिसँ छु याये ! सिसंमसिसं अपराध याना जुल उके जक ...

भिख्वा--(मस्यू पहलं) गबलेया खँ महाराज ?

विश्वजीत--(खवा ह्याउँका कनेथे मकनेथे याना) म्हिग हे  
का, जि

[इयालं अप्पा छग धया विश्वजीतया छ्योने हुयावनी उत्तर-  
पाछेया खुवायाथाय कवनी ) आया, स्वो अप्पा कयकाहगु, सुनां खः  
स्व, स्व ! जुजुं छयो हीका निखा ब्वेकी, काजिपित मंगल बजार  
इयाल ब्वस्ववनी, पासि व मेमि च्योतसे हौगरिछ्ये स्वपितं ब्वांम्ह  
मनू खनी)

पासां--हुं का, हुं का, स्व व बिस्यूवंगु, सु उजी व ?

विश्वजीत - (बिस्यूवम्ह खना) वया कला जि ह्यागुलि (ख

याना कयकावंगु उवौ का ... उम्... ख, चाकबाहा काजीया काय् हेख ।...

धनवन्त--श्व जा हां आपालं बांमलागु खँ जुल !

कचिंग--राजद्वारे अप्पां कय्का वनेगु श्व बांला ला ले ?

धनवन्त--(न्याय, प्वाव्हातां ततं) व हे जा धयागु ! श्व नं भज्यूगु ख, श्वयासिनं जुजु जुया कवर्या कला हुईकहयेगु बांमला । नि-साफ, न्याय यायेमाम्ह जुजु जुया — त्यवो पालेगु कानून प्रजागनथात वयनेत जक मखु, अथे थम्हं भंग यायेगु हं छु श्व ?

(कचिंग काजी वाहेकं मेपिं सकलें खःखः धयाथे छ्यो भाय् याई । जुजु बिश्वजीत वँच्चुसे खा याना ल्हा नेताले तया ववछुना चवनी)

भिख्वा--धर्म शास्त्रया वचन पालन याये हे मा । गुगु कथंया धयातल उगु कथं याये । आयात श्व अप्पां कयेकाहुगुया, छु...गोलीं कये-काहुगु जूसा कीं नं सीगु ला ? अप्पायानं जा मिखा मनु थे !

कचिंग--जिगु मती वोगु खँ जा... व काजीया काय्यात थत्थे ज्वंकेछ्वे । अले स्वपा खा चूलाका दुने दुने तुं याय्माथे याये । गथे ?

काजीपि--(बिचा याना) थत्थेयात आमथे हे यायमाल ।

कचिंग--अत्थे माहांत छ्वया हयेफंमखु । सैनिकत छ्वया छे घरेयानातिनी ज्वनेकं वेत । उके हनिचा पुर्पक्ष यायगु । थथे की छे वनेगु । गथे याना जिल म्वामदुगु उपद्र पिमकासे सिधयेकेमा श्व मामि ला ।

भिख्वा--(सकसितं स्वया) सैनिकत हाना छ्वेला ? (भोले थम्हं तुं आख चवइ अले तायेदयेक व्वनी "उँ, उँ, भीमा ! थः वना, चाकबाहा काजीया छे घरेयाना तधीम्ह काय् छम्ह जक ज्वना हथेमाल - धन वस्तु ज्यू छुं इकिधिकि यायेमज्यू : थौं हे हथेमाल जुल")

मेपि--ठीक खः, आम्हे हे खः ।

घनवन्त--का, अय्सा जी आ थत्थे थथ छेँ वने । अले याकन बघे माली ।

सकले---नमस्कार, महाराज !

विश्वजीत---(छयो मल्हंसे हे ) ज्यू ।

## काजीपि प्यहाँ बनी

पासिं---महाराज ! हानं अप्पां कयेका हैला । ऊयालिकक बिज्यये जीमखु, खूपी बिज्याहुँ ।

मेपि--ख महाराज ! दुष्ट मतिते छु माज !

विश्वजीत--विस्यू वनेगु (झासुका तया) हे लोकनाथ, दः छु कयना बिज्याना ? पासिं ! माँ छको सति (पासिं वनेथनी) आसे, आसे का आभ भो' सेना नायकयाथाय् छवया नि ब्यू । थत्थे, थत्थे हुँ, याकन (पासिं ब्याय् ब्याय् वनी, अनलि मेपि सेवकत न वनी) हे लोकनाथ... प्रभु ! आ जि छु याये ! माँयात गथे जि थव अपराधी खवा कयने ? मैजु थकुंया मोहनी साल हयाबिना । आ छु यायेमाल ? मामं दः छु (बिचा यार्ई) माँयाथाय् वने (बनी, स्याक्कस्याक्क पला लहायेत्यनी, फेत्तु जूवनी) आय या - या (स्यागुया तोडे फाटाफाटा पुली । सेवकत निम्ह दुस्व बई । विश्वजीत मल्ल चातुला छयो सुचुका चवंगु खना 'जय महाराज' धार्ई ) क्वालुचा ती सताहिँ हुँ, निम्ह हुँ निम्ह वनी) गथे जय ज्वी जि आ ? न्ह्याखयोरिखे स्वोसां भय... भय, भय ! गय ज्वीगु आ ? जि माँया चित्त गुथे याना तये ? प्रजागणतेगु वो गथे फये ? हे माँ तलेजु माजु ! जि स्वाये मय्, शरण कया बिज्याहुँ,

शरणे वया । (ल्हा जीडेयाना भागी यार्ई) महतरले मती हय्, हय् ।  
ओ खन सकभनं भय, भय, भय, लातले भापेमफुत, मलाका बिचा आ  
हालां छु चा ? 'मिसा' या कारण कीचक, रावण बालिया गती जि  
लाइगु जुल । हाय, हाय !

(ग्याफर मनं स्योबले लुखाय किपालु सुँडक वगु खनी)

अन सु ? (लिस मवो) अन सू ? (अझ नं लिस मवो) अन सु हां ?  
(लिस छुं मवो । ग्याना इप्प कनी, दनेत सनी, दनेमफु ) माँ, यो माँ !  
माँ ! (तिस्सलं हाली) माँ ! राजमाताया व्रत चवनोगु दिन जूगुल  
सुं मदुगु खं लुमसे वई) सुं मदु हे दैव ! ऊगा ववसं मनूत ध्यारारा  
बिस्युं वनीगु स वई । हालाहै 'वल वल, वल, वल' अन सु वल ? पिने  
सु वल ? जि दने मफया वल । (मिखां खखि हायेका, हुं हुं हुं ।  
कलल मनूत हाल । छाय् हागु थ्व लाछी ? (छाती ल्हा तया, ओह !  
थ्व नुग भभरूगु (आपालं इप्प कना) थ्व छु ? भोखाय् बोगु जा  
मखुला ? इइइ, व घुसुसु न्ह्यानावंगु ! (छ्वाखेर स्वया) गनं नारायण  
सुमरन यागु ग्यनेहुगु मखु । जि याकचिया जक बोगु ख थ्व भोखाय् । आ  
जि छु याये ? जि गन वंसा जी ? न्ह्याथाय् वंसां मजिल जि ? तिभा  
बित, कालपाशं द चित, मामला नित ? हे प्रभु लोकनाथ ! छु याना-  
बिज्याना जित ? (नुगले ल्हा तया) अहो ! नुग हिइल, दित, जि पये  
मफुत (गोतुली अन मूर्छा कई । नेपथ्ये पिने वोगु सल हाला हें-('दः  
ज्वनीम्ह सु ? का वा, वा; तै ज्यान वनीगु जुल, अन्धायी जुजुयात  
स्यानातिनी सी; अथे सीला ?' "यो दाज्, आ जा म्वाल । गन बिरथुं  
वन, सीम्ह अन हे जुल' मखु, कला यंकीम्हं व, हाने ज्वंकेहंम्ह नं व !  
वया पंलिना वक्कोया हि महायेफुसे छाय् सी ! का, सु वेयना, वा !  
जुजु जुयां ज्यूला । त्यके मखु मनूया हूलं हागु सलं ज्वे, ज्वे" सैक-  
तेगु सलं 'स्या धयागु आज्ञा मदु छु याये जिम्सं ।' पलख थ्व स ताये

मदया वई । पूजाकोठा त त नं श्व भयानक स थ्यना राजमाता पूजा  
सिमधयेक हे सभा बैठके बिज्याई, न पं श्वातित नं प्रवेश )

राजमाता-- (लिफ स्वस्व) धवाखा त्यु, धवावा त्यु । पुता महा-  
राज गन ? (विश्वजीत मल्ल द्वारा तुजाचवंगु खना) नारां शिव, शिव !  
तुति स्यात धाम्ह याकचा तया स्व ! विश्वजीत मुर्खा चाई उखे थुखे  
ग्यानापुक्क स्वई ) छु जुल पुता जि !

विश्वजीत--मां जि मजिल (च्योतेत स्वया) गो, नौ मवो-  
निला ? याकन ब्वनाहि धयां, जि स्यात ।

### पासिया प्रवेश

पासिं--(हनास कया खाख तुना ख ख खड्ग ही . इ...  
का, वल वल वल, दुहाँ वल ।

राजमाता--सु वोगु ?

पासिं--वल धया वल, दाजु किजा निम्हं खड्ग हीका वल ।

विश्वजीत--खड्ग मागु मखुत । वा धा, खड्ग मागु मखु ।

(नेपथ्ये धार घुलु बिस्यूवगु स वई)

छाम्ह श्वाति--वल, वल, वल ।

राजमाता--बाबु, बाबु, न्ह्यागु हे जुसां पुता घयपुना)

विश्वजीत--(मांयात कस्सिक घयपुना) मां, जि बुद्धि मगात  
जि च्वने गात !

### धवाखापिवाया प्रदेश

धवाखापिवा--पा चांपि ताहागु तलवार प्याखं हूगु खंबले  
बिम्युंवन ज्यान बचेयाना । थुलि खं बिस्ति यावेफत । महाराज ! दाल  
तलवार कयाबिज्याहुँ ।

विश्वजीत--सु इपि ?

धवाखापिवा--चाकबाहा काजिया काय्पि ।

विश्वजीत--न्हाच अध्पां कयेकावन, आ..... । का स्यात मां, जि वने ।

राजमाता--देशनापं बिरोध याक्क जु याना पुता छें ? बाबु ! तलेज्वी हुँ, तलेजु मांजुं रक्षा यायेमाल जिपुतायात (सेवकतेत स्वया) हुँ, हुँ, सकले वना महाराज पुतायात तयाव्यु हुँ । (विश्वजीत दनी, स्याःस्वा याई, खायातगु तरवार ज्वना पासियात पाचिना खूखूक्या प्यहाँ वनी) जि मंत, जि मंत, जि काय्यात रक्षा याइम्ह सुं मन्त, हे तलेजु माजु... !

(ग्वारातुली, श्वाति निम्हसिनं थनेत सनी । अचेत जूगुलि छम्हसे न्हाय्, ती छम्हसे पंखां गाली)

(ल्हातं तलवार—ढाल ज्वना आंग्सा फेकं तयाच्वंम्ह छम्ह ल्यायम्हया प्रवेश)

युवक (मिसातेत खना) आम सु ? मंजु थकुंला ? (वांलाक स्वेधुंका) दुवुंदि कर्म चण्डाल गो ? का, कनेसा कं ।

(राजमाताया चेत दयावई)

राजमाता--तलेज्वी हुँ, तलेज्वी हुँ । हुँ, हुँ, फुक्क हुँ, जि पुतायात उद्वार याहुँ ।

युवक--हूम्, तलेज्वी बिस्युंवन खनी का ! (वनी)

राजमाता--(तीसलं) सुखा चायेकाव्यू, (श्वातियात) तुँ, तुँ, कीपि नं वने ।

(नेपथ्ये घारारारा घुरुरुरु जूगु शब्द वई । अनलि "स्वाल, स्वाल जुजु व, जुजु व, ... 'नारायण नारायण' कललल हाता हे । 'पापी ! राजहत्या यायमत्यो अनलि स्वयाहगु शब्द वई )



राजमाता--(द्यो बोम्हये खाना)ध्व छु हागु ? छाय् खवोगु ?  
जि पुताया छु जुल ? दकभनं धवाखा त्यु

(पलछ लिपा पासिं व मेपि सेवकत खवखं दुहां वई)

राजमाता--(मन क्वातुका) छाय् खवया पासिं ? धा, धा ।  
खवेमते, जुक्क खं धा, जि हे मखवया स्व ।

पासिं रानीमाजु—जुजुया प्वा फाया बिल-त्वाथलं कुतुं  
वल मंत ..

मेम्ह सेवक--रानीमाजु, व पापीया ल्हातं मदुगु मखू, जि  
तलेजु लुखा जक चायेका, इपि खनेदत--“जि सुं दुगु मखुत, थुमिगु ल्हातं  
सिनावनेगु स्वया थगु हे ल्हातं वने” धयाकथनं प्वा फाया बिज्यात ।  
जि गने त्यनाबलै स्वाथलं कुतुं वन, वन ।

(सकले खवई । राजमाता मिखा फुति हे मयासें अचल जुया  
चवनी । अनलि खवपि सकसितं स्वया मिखाय खववि छफुति मतसे उख्ये  
थुख्ये स्वई । ताऊ जायेका नं राजमाताया मिखां खववि प्याहां मबोगुलि  
हेरामाया व हेराज्यान निम्ह भ्वातितसें करुणा चाइपुक स्वया “तथे  
जूगु रानीमाजू ?” धका राजमातायात मोप्वी)

राजमाता--(सं फंफं तथा) जिथाय् न्ह्योने चवना सुं खवये-  
मदु । थन चवने मते खवइपि । काय्या खा स्वया जि थौतक म्वानाचव-  
नागु । काय् मंत । न्हापां हे बौद्धनाप सति वनेमागु .. आ .. जि सति  
वनेगु । धन्य जि, उपासं चवनागुलि छुं मपन .. का नुं । हेरामाया  
जि काय् गन स्वोवने । तगौ गं थाकि, सकल प्रजागण सति । काजीपि  
वल धायेव अंत्यठि व सतिक्रिया ज्वलं ज्वरेयाकि । (सेवक छम्हसित)  
मूधवाखा चायेकि धा ।

सेवक—चायेके धुं कल ..

राजमाता--( जागे जुया) सुया आज्ञा चायेकल ? सुया आज्ञा

चायेकल जि काय् मइयेता नि छुं मचायेकं ?

सेवक--धनवन्त काजी काल, अनलि मेमेपि काजीपि न ।

राजमाता--वाह ! म्हम्यूपि खः थुपि काजीपि, आ जा बाँलाक  
म्हसिल । थव भिखवाया ज्वा-मैनिकत छवया गवाकाहम्ह । भिखवा  
थगु तरवारं थम्हं तुं हत्या याना सिनावनीतिनि । व भिखवाचा !  
जि थुलि धया, स्व गोदं हे वनि धका थुपि काजीपिनीगु भोग ? (सेवक  
छम्हयात) जिथाय् न्हयोने चवना खवयाचवनेमते धयागु मखुला ? हुँ,  
भिखवा सति ।

सेवक--भिखवा काजी तस्कर लिका ज्यानमारा दाजु किजा  
निम्हं ज्ञोवन है ।

(तगो गं थानाहई)

राजमाता--जि थुल--'दायाथे दाये, खवया थे खवे,' याःगु जक  
खः । का म्वाल धनवन्त सति ।

(छम्ह सेवक वनी)

गं थाये गात, वोपि वई, मवइपि वैमखु । जि स्वेबले.....

**काजी धनवन्तया प्रवेश**

धनवन्त--छु याये राजीमाजु ! धैयं यानाविज्याहुँ । जिपि  
नकस्तिनि जक थन थयन ।

राजमाता--का सुंक च्वँ, छं स्यनेम्वा । याकन बरू सति  
क्रियाया ज्वलँ जोरेया .. अँ लुमंसे वलँ...राजगद्दी खालि याना  
गये जि सति वने ? (दिचा याई, का हुँ कान्तिपुरया जुजु जयप्रकाशयान  
हे थव देया जुजु यायेगु (धनवन्त खवा ख्यूंकी, व हे थायेगु । का हुँ,  
बिलम्ब यायेमते । थत्थे बवना हिँ । हुँ, हुँ (धनवन्त वनी) आ जि-

नाप छुं खँ लहावेमते । (पन्चक्यापाखे वना ववस्वया प्रजागणतेत स्वया)  
 लातां केरा स्वेथे छु स्वयाचवनागु प्रजा भाजुपि जि काय् या थजोगु सकष्ट  
 ज्दीका ! जि काय् थुगु लोके मंत । जि न अन हे वनेत्यना । आवंलि  
 कान्तिपुरया जुजु जयप्रकाशया अन्हौनी चवनेमाल । वैत हे जुजु यायेत  
 मर्ता तया । वैत ब्वनाहयेत धनवन्त छ्देधुन । थुकि छिकपिसं सहमत  
 यानादी धका च्वना । (बिरह याना) दाजु किजा निम्ह छरग उवना  
 वोबले मज्जन का म्वाल, गने जा ज्यूला ? मृतुं छुं नँ जा वादेमाला ?  
 (धैय याना) न्हचागु जूसां म्वाल, कमंया भुत्तमान खः थव फुव ! छिक-  
 पिके बिदा कया जि काय् नाप सद्गति वनेत्यना-लोवया जर र्दीमाल ।  
 (अनंलि काय् या देह ह्वयेत प्याहां द्दनां, मेपि सवले ह्वयादनी)

# म्वाःब्बो

## पूर्वकथन-

पृथ्वीनारायण शाहं नेपाल राज्य त्याका कायगु मूल आकांक्षा याना सनाच्चव्वं नेपा गाःया छ्वालं च्वंगु फुक्क धयाथे थाय् लहाते लाके धुंकल । चि, कपाय् थे आवश्यकगु छुं वस्तु दुत छ्वा लहगुलि नेपाले बेसाहा थिके जुल । अयनं रिपू छगू हे निकनिक लवाना नं बिस्मू वनेमागु खना मेगु हे कूटनीति म्हितल । अले वं कान्तिपुर राज्य गथे गोर्खा प्रजा वयकेन सन, दूरदर्शी जयप्रकाश श्वया प्रतिकार याय्त छुछु यात, सा कुबीगु बुद्धि जक दुम्ह जुया नं लोभे लाना शत्रुया ज्याम जुया राष्ट्र बिरोधी ज्याय् लहा तल धासा छु गति जुइयो श्व एकांकी वयनी ।

## नाटकया पात्रतः

- पुरुष- १ जुजु जयप्रकाश मल्ल  
२ धनवीर जुजुया अङ्ग रक्षक  
३ पुमांचा-लगया छम्ह ज्यापू  
४ सिर्मांचा-पुमांया काय्  
५ गुभाजु, व मेपि मस्त

स्त्री- १ माइचा-पुमांया कलाः

२ मैचा-माइचिया म्हयाय्

३ बुढी व मेपि मिसात

थाय्—लगमे छगू चुक ।

समय--ने० सं० ८८४, बछला --०० बान्हि लिमु ।

[पश्चिम पाखे चक्कंगु बिकिचाधंगु चुक । कुंचाय् साःगा छयाथु वनातल । चुक गाले बबलाछि जक ववे फः दु, फलं चवे पश्चिम स्वगु लुखा खने दु । लुखा तिनात्त । लुखाया चवे न्ह्याम्ह छो ववया, जव-खव कलश, कलश चवे निलये निग भिखा चवयातल । लुखाया जः पाखे इयाले खायातःगु तुकंमा बवथ्थं क वः । चुके सुं हाहीसः मदु । बाझाति वंम्ह कछि छम्ह न्ह्याय्पंकथिया तुफि फले पुना चवनी । वया पहिरन पहलं दीनहीन अवस्था भयं वयो !)

माइचा--(चुके फले बँ पुपुं) हे इसुर ! आ जा गात, गुलित दुःख बियत्यना, भिगु मिखां छक पुलुक स्वया बिज्याहुं, (खवबि हुहुं) जि मचाखाचां दुःख सीन, जिगु नाँचा डुवे ज्वीन बाबा..... इसुर, छपिसं पार लगे याना मबिल धासा गुं फू धुं फू जुल ... न्हय् जमया शत्रुयात हे थयिजागु कष्ट मजुय माल... (ताःहाः असुकात ।) दनि ला मंत ला (बाताताहां दनालि) सुथंनिसें इकिधिकि हे मसंगु का च्व ! च्व !! (कपाः बाया दुहां वई, स्वाथ सुकु छपा हया लाइ, सुकुली छक नें बँ पुइ । खोखना सःवेका बीःयोम्ह सूद्यो स्वया) निभा बीन न सिर्माँचा लिहां वः ! नुगः ख्यूंया वल ..... चा गथे कातेय् यायगु बाबा ! बाहाँचा ववथय् बले सकले दु, मनू ववदैबले सु. मदु खनि ! सुहज्य भीवान् ! जिमे मिजनं स्वेतं छुं याःगु मदुथ्ये च्वं । अय्न् छःपिसं मखंगु छुं गनं मदु । आः आ... (लुखाया जः पाखे छेलि हाला हइ--“यो माय् ! यो माय् ! अबुं मिखा चायका

स्वल । थन दुने वा, वा" हाई (लया पहलें) जि वया में चा गया-  
मते (वने त्यनी । पुतुपातु लाताफातां तया, आगसँ फंफं तया, इप्प  
कला सिर्माचा खँ हे लहाय् मफयक व्वाय् वः । वयाकथनं लायातःगु  
सुकुली फेतुना चाःचातुली) छाय् ! सिर्माचा ? छाय्, छाय् वया ?  
वद्य भाजु गो ! पासापि सुं मवःला ? (सिर्मा आगसँ मुना) तुपलि  
मपुस्य मुलुखां दुहां वय् त्योला ! छ्ये अबु मफुबले आमथे मभिक सना  
ज्वीगु ला छं ! गथे ज्ञां मन्त ! आ मचा मखुत । १४ दँ दत (खबि  
हई)

सिर्माचा--(याकु प्वालं कानातुपलि पिकया पुया)

महांतसें लिना हल धया ... उहूहू ! थज्योगु तुपलि प्वी  
मदु हँ ... नापलाक्कस्यागु थज्योगु लाका यंकल ... जुजुं नं त्वाःत्वा  
ले चाहिला 'की नेपामि जुया नं कांतुपलि प्वीगु ला' धका बो दिया  
बिज्यात हँ भाय् स्यू ?

माइचा--व हे ला पुता, दशा मभिवले लाय्कू भय दु । आबले  
मज्यू धाःगू मपुयां छु हे ज्वी ? जित जा मिखाया कुं चां न रतये म्यो  
छिमि अबु नापलाः वीपि, कांतपुलि पुया मिस्तथे कुल्फि सँ लहिना  
जूपि । जिनंतिसें चोतुक कया पलि प्वीक वांछवया बीमास्य वः ।  
नामं कां कामं कां, इपि वसें लि जा खःनि छिमे अबु नँ बुँइ ज्या यावः ।  
ज्यामि तया, ग्वाहालि फोना जक गुबले ताले लाइ ला ? थम्हं कुतः  
मयासे कर्कया भरं थुगु गति जुल । ऊन आः जा ज्वल नं (तुपलि  
लाका बांछोया बी)

सिर्माचा--(तुपलि कया हानपुया) ई जिम्मांया कायसा गयाय् !  
उलिमछि मन्तमे प्वी धुंक्कगु । बेसाहा थपाय्स्सक थिकेबले दंक लागु  
तुपलि । की बुँयात मियाव्यू धका बियात छःग लव द्यूगु जा खः नि

ध्व । (दुने हाला हई गया पहलं) यो माय् धया, छु हाला च्वनागु धया ? अबु तःचिकुलाथे खात धया)

माइचा-कंप वःगुला ? कंप बल धाय् व ल्वे हिल धका सीकि धागु !

सिर्माचा--सुनां ?

माइचा--वेद्य भाजुं का सुनां ज्वी ? आः जि गय् याय् ! सुं छम्ह गालि काय्पि नं मदु ।

सिर्माचा--बाज खलखे ब्वात ज्वी का ; सकसियां नखः !

माइचा--ऊी अखः । छु याय्, नुँ, बाउ थन ति हयातय्, दुने कांथ्ये छुं खने मदु खूँसेच्वं । (दुने हाला हई-अयनं मवसे छु हाला च्वनागु या ? अबु तस्सक खात, इनीन धया !) वा, वा सिर्मा जि याकचा ... (माइचा जक वनी, काय्म्ह घुरे जया दुने मव से उसी सनाचवनी । उघरिमे माइचां लपु ज्वना दिगि दिगि खाना दया च्वम्ह पुमां द जयात पित हई, सिर्मा चा काचाकाचां ज्वना हया सुखुली फेतुकी । पुमां चा साप खाई । भतिवा लिया ७८ वं दुम्ह म्हायम्ह लःथल, सांगा ज्वना वइ । इपि दिका हानं फुंग कयाहई । पुमां दाजुं मिखा ह्याउंक कना उख्ये थुख्ये भ्वाय् भ्वाय् स्वई । दनेत सनी । मां काय् निम्हसितं फयां फयाथे बल ज्वना तई । तुति प्यका हःगुलि लःथल ग्वारातु गालः वइ)

सिर्माचा--यो बु, यो बु छाय् सनागु ? सने मते । संगु मन सचेज्वी, यो माँ, ध्व कंप जक नं मखु । धरोधर्म मखु का । जि हानं वेद्य सःतावे । (वनेत्यनी)

माइचा--वने मते, वने मते, जि याकचां छु जक याय् ?

सिर्माचा--पिछे भ्वातपि नं मदुला ? (तीस्सलं) यो भवत !

माइचा--ग्वाली, ग्वाली ! .....



(पिने पाह्ये मस्त व मिस्त याना ६।७ म्ह दुर्हा वया स्व वड छचालं चवना 'छु जुगु ? जूगु छु ? जक हाला चवनी । म्हाय् म्हसिनं काचाकाचा धुपाय् निपु च्याका बंय् तया ग्याना ल्यूने स्वीप्यू वनी । पुमां दाजुं मिखा तगो याना स्वइबले सकले चिला वनी जुइक वना प्याखं हुइत सनी । कायम्हसिनं फंतुकेत सनी )

सिर्मांचा—यो बु, सने मते । यो बु, सने मते ।

पुमांचा—अथेसं थथेसं मदयक सना ) तोति, तोति, थीमते जित ।

सिर्मांचा—छाय् ? यो बु, यो बु, छाय् तम्वेका ?

पुमांचा—स्वैत अबु धाः वया ? स्वैत अबु धाः वया ? मां नं मस्यू, व्वा नं मस्यूह्य ..... ।

माइचा--मस्यू, जि पुतां अथ्ये थथे छुं मस्यू, छःपि सु खः जिपि मिसात मचातसें छु सिइ ?

पुमांचा—सीकेमाः का सीकेमाः का .....

माइचा--(स्वइच्चं पित स्वया ) का रे का मंजुपि, छु याय् माल ?

मिस्त--इसुर बिज्यागु, इसुर बिज्यागु, धन्दा काय् म्वाः ।

सिर्मांचा—मो मां, तुयु गुभाजु सताहय्ला ?

पुमांचा--(जाणे जुया) बोकसी ला जि ? बोकसी ला जि ? ... स्व स्व बोकसी ला हुं छे च्वंम्ह बुढी का बुढी... (हततत् महिला हानं तंस्वो पहलं, हुं, हुं, हुं, वे छासा वई थन व, बोकसी बुढी ... बोकसी बुढी (सकले खः पाह्येया इयाले स्वइ )

पुमांचा--का हुं ..... सिर्मां...धन्दा काय् माःगु मखु । छिमे गुभाजु सःताहिं ..... छिमे अबु धमतिर्मा जुया... बिज्यानागु...

माइचा—धन्य, धन्य, इसुर बिज्यात । हुं बाबु गुरुजु ववना वा (वने त्यनी ) भासे बाबु, पूजा सामा धुपाय्, कपू, मधि, सिसा—

कुमा छ छु दुन्याना नं वा; याकनं वा (बां प्यवां बिया छ्त्रइ)  
(अन स्वःवपि मिसा छम्हेसियां मचा छम्ह न्होने तथा दछिना छाया ।  
बिन्ति याई )

मिसा—हे माजु, थ्व काय् छम्ह न्हयच्याय् दय्का बिज्याहुं  
(पुमांका छ्यो ल्हुकु ल्हुकु संकी)

मेम्ह मिसा--(उखयं हे मचा छम्ह ज्वना) प्रभु थ्व मचाया त्वे  
लाय्का बिज्याय माल ।

पुमांका—(जागे जुया) छम्ह मचा ला आम ? छम्ह मचा ला  
आन ! (मिसा व मचा बिस्त्रुं वनी । तुलं स्त्रीका खं ल्हा थ्ये याना)  
हुंम् -- हुंम् -- थुल (सकले न्हाय्प गिया छनी) हुंम् -- काना तुपलि  
पूरित गॅःजुल नि -- काना तुपलि प्त्रीपि माको दय हे धुकन --  
काना तुपलि प्त्रीरि गोर्वाजीतसें तोप्वीबलेसु नेपामि, सु गोर्वाली !

माइचा—इसुर, न्हू न्हू छाति ! जि काय् नं पुन तोतके मफु,  
क्षेमा याना बिज्याहुं ।

पुमांका—माइचा, छिमे मिजयात ज्वे -- -- वैन --- वैन  
न्हां व अभिमानी नगरकोतेत छोया -- जिगु स्व मधा जिगु स्व मधा  
त्वह स्व रे, त्वह स्व रे, दे बचे याय्त् वयागु हँ ! लाका काल का !  
--- अध्ये याय् मते थध्ये याय् मते धका धाय् धयां क पचलीनसें  
यका जिमे मनुयात किसि चीथाय् यंका सास्ति यागु का ! फय् ज्यू  
ला ? अभिमानी गोदें त्यक्वे ज्वी व जुजु स्वया का !  
(छम्ह निम्ह बकेयाःगु खं न्यना लायकुनी जाहेर याय्गु धाघां बनेत्यनी)  
वल, वल -- वने म्वाल थुखे वल ।

पूना साना ज्वना सिर्मा चिया प्रवेश

सिर्मा -- यो माँ, गुजुं बिज्याइन, नीलः छप हयाति घाल । ना

ध्व पूजा सामा छथाय् नि ति (मांम्हयात बी) जि मक्केले गुंगू थने ।  
मि नोला ?

माइचा--आसे का, थन छक जों जा वा जि नीलः काबने ।  
(तोता बनेत्यनी) बांलाक स्व न्हि । (वनी)

सिर्मा--(ग्यांग्यां ज्वंवेले त्यनीबले आतापाता सनी, सिर्माचा  
स्यांग्ना पूवनी) आया बाबा ! (खबखं) छुं याय् फुगु मखु । (ल्हा  
पुइका) थथे का ध्वेनं स्वय् थें स्वया जक च्वंसा का !

पुमांचा--(खानातुं मिखा तीसिना) कः कः कः नीलः हँ !  
फुंसुलु ताहाँप गायका द्योने लः फःनई, मजिल व लः जित !

### गुभाजुया प्रवेश

सिर्माचा--थुख्ये बिख्याहुं गुरुजु (लासा साला बी)

गुरुजु--"दंबो विचित्रागति" छाय् पित हया मथ्ये दंगल ज्वीक?  
गुत्रलेनसें द्यो बिज्यागु बाबुचा ?

सिर्माचा--अबु इन्हिपिन्हि मफुगु, ज्या मयागु जा तन्हु हे दत ।  
तागत तुते जूलिस्से सने मफुत । थौं सुथंनिसे नंनी मवा, सनं मस ।  
नत्रसा चछिचछि याकचिया भुनुभुनु खं ल्हाला च्वनीगु । 'छुहाला ?'  
धासा 'छुं मखु, छुं मखु' धाइ । वंछ भाजुं कपिं बंगु होस या धागुलि  
छक खात । दुने खिमुसे च्वंगुलि पित हय् धका च्वंगु, अबु हे छुं म्वाम्ह  
थें पायोथें पिहां वल । मफुम्हथें खुनु च्वं ला गुरु बाजु, छु जूगु खः  
ध्व ?

गुरुजु--(चीसकं) तोगु वगु ला ? झाराफुकी मक्कनाला ?  
मथ्ये खः, छु खः ?

सिर्माचा--ई .. नां हे काय् मज्यू धया ! जि बोर्सी ला  
धया जागे जुल । न्हां छपिसं मस्यू !

गुरुजु--नकतिनि जक वयाम्ह जि गनं सी ? बरु बाबुचा ध्व

तरंग ला तोपू वाःगु ला ? जिक्ये जा .... (बिचा याइ)

(सय् बिन्हांबि धया लः ज्वना माइचा वइ)

सिमांचा—आसे, आसे, माय् आम लः फयावले मेगुलि गाल  
ला ? मजिल हें आम लः .. ...!

पुमांचा—अ .. .. अ .. ...

माइचा—धन्य ! धन्य इसुर ! गनं सीकल ? मती लक ज्वन,  
थन जा खे हे ज्वी धुंकल । छूं मस्यू इसुर छेमा !

पुमांचा—स्वाल .. .. स्वाल .. .. लः स्वाल हिं छं छु  
हया ?

सिमांचा गुंगू थना लपते गाला न्होने तइ, अले पुमांचां खाय  
दिना मुद्रा ज्याइ, गुंगू थनी । लिपा मिगीग छ्यो लिचिला हानं  
खाइ ।

गुरुजु—गुंगू थने गात ए बाउचा । पूजा याय्त छरि सु द्यो  
धका छक ..

पुमांचा—(ग्यानपुस्ते चवक सना) वा वा वा अज्योम्ह  
जा गुरु हं ! छु स्वया चवना, मिखा गन वन ? मखला जिगु मुद्रा ?  
.. दसिना काय्, भवय् नय् दान काय् जक मती तया ज्वी भाव  
न भक्ति ! छं यागु पूजा मय्, हिं माइचा छं हे छय् माइचा छ्वा, तय्  
माक्व जि, पूजा तक ताहा । ब्यांचांथें म्हुतु वाका वाका सकल । मति  
जा ति, वतले तिसीगु थः कति लाक्येगु-फुसा सुया पवी, जयमाया हे  
मखा ?

(स्वयाचवनि सकले निहलि । गुमाजु छ्वा हि बुलाम्ह थें तया  
म्हुतुनि फर्फर संका कुनुकुनु तं-वे हा इधूथिधू ज्वी )

गुमाजु—(मिखां छं मखका तम्बो गहल छाय् म्हाकं वाम्ह

जि मखु, जि पूजा याय् बहम्ह बमखुसा छो ला ज्यो ला ? या छिमिसं हे (बने एयनि)

सिर्माँचा - ]

माइचा--- (गुरूजुयात पना) मखु गुरूजु, थूकी च्यूता तया

बिज्याय् ज्यूला ?

(गुरूजुयात माने याय् घुंसेलि माँ काय् निम्हसेन पूजा याइ, लहाया मुद्रा जयाना पूजा फया काइ, गुभाजुं ववथोक छो बम्हयात स्वइ च्वनि, मेपि परचक्रत सकले लहा तया दना च्वनी)

पुमाँचा--(पूजा सिध्थे च्वनेव) जि लय्ताय् धुन... धुन; पुमाँचिया न्हिनं न्हिथ्ये जिया वइ, छम्ह मनू ज्वी । मेगु छुं ज्वी मखु, छिमिसं धन्दा काय्, म्वा हुँहुँ... हुँ, खापा छक त्यू हुँ ययोपि दुहां वैन, हुँ (छम्ह वनी, अले खापात्यू सः वइ)

गुभाजु--यो मयो धयागु दु का हँ ज्योया !

पुमाँचा--हाला ला छ आपाः ? गुम्हसिया भरे खः छ, वया अंत काय्गु बिचा का मखुला ? (जुरूक दनी सनी)

मेपि सकले-- इसुर क्षमा याय् माल । य गुरूजु ! छाय् छपि यो न्हापा लिपाथ्ये मखु ?

गुभाजु--छो खः मखु थ्व छिमिसं (पुमाँचित उवना छो च्वया तंगु लुखाया न्होने हयत सनी, वइ मखु; इसाथिसाः जुइक निम्हं सनी) छो, लुखाया न्हयो वय् मछाम्ह नं छो ला ? का स्वया का, म्वाःछो धयाम्ह थ्व का, पूजा याय् धुन मखुला ? जि नं पूजा याय् स्व (यांकया पुमाँचिगु ग्यताले छथु दाइ, छो उवनागु तोता छरये वनी)

(पुमाँचा जुरूक दना गुभाजुयात स्वया ल्हानि हँया गपः अपुइथ्ये याइ, ग्यानापुक मिखा कनी, गुभाजुं नं ग्याःये च्वनी... खापा च्वारा च्वारा याना हइ, व याय् थ्व याय् महुम्ह गुभाजु वना खापा

जायका बी; महाराज जयप्रकाश व चया अंगरक्षक धनबीरया प्रवेश)

गुभाजु— (नमस्कार याना) जय महाराज ! जय महाराज !!

सकले—जय, जय महाराज !!!

(जुजु खने साथ पुमांचा मिखा तिसी, फःहिला लिउने स्वइ,  
सिर्मांचा थःगु कानातुपलि तोता सुचुकी)

जयप्रकाश—ध्वयाके ला बी वःगु ? (गुभाजुयात स्वया) पूजा  
सिधल ला ?

गुभाजु—महाराज, जि पूजा याय् म्वाः धाल, थन दः सके  
हःगु बी जक फय्थे जुल ।

जयप्रकाश --(न्हिला) गुभाजुतय् छु. न्हयाथाय् वंसां बी,  
फय्गु, बी न्हयच्याय्गु मखा ! अं छु छु धाल, छु छु जुल ?

धनबीर—(अनं उर्वांपिके माःगु न्यने धुंका ) महाराज उख्हु  
पचली बी वेका व्ह्य भाजुबीयात नासः चुके सास्ति याना बिज्यागुलि  
त बाल हें, छःपिनेगु राज्य ..

जयप्रकाश--(लें धुइका नाडि उर्वे धका इसरा याइ, धनबीर  
व गुभाजु वना नाडि उवना धुइये स्वकेत साली बले) छु ज्वी धाल? ..  
न्यो !... ..

गुभाजु--न्हायः धासा पारापारां ययोध्ये बकेयात, आः खजाले  
न्हयोने धासा म्हुतुई धी फिना चवनीम्ह ग्याफः ज्यो का ध्व (न्यताले  
खथ् बाइ)

(पुमांचा सातापाता सना तोफीकेत सनी । जूजु बालाक उर्वे धका)

इसरा याइ, धनबीरं स्वोबले वा धका इसारा यागुथे चवना छथु न्यताले बाई)

जयप्रकाश—दाय् मते, दाय् मते, छु याय् दाय् !

माइचा—मा'राज, खः उसां मदुम्ह व कोटि बिनित् सास्ति छता याना बिज्याय मते । बाछि न्हयो नं छको सास्ति नःबले गोन्हुगा खा हे बकुला !

जयप्रकाश--दायाः खाः बकुलागु ला ? हरे हरे ! छिपि भापा याना मिस्तय बोक्सिधाय् धुन कि साप पत्या याइ । थौं नं का माःगु ध्यबा खर्च याना पूजा यागु ला ! गनया द्यो, स्वे धुन मखुला ? छिपि मिस्तय न्ह्योने गुलि पवीं तोतल धाल, आः गो ? नखुनु वाः ला ?

( गुभाजु व अंगरक्षक निम्हस्येन नंवाकेत सना चवनी । बखते बखते जुजुं मखंक ल्हाम्ह छिना बल पुमांचिगु म्हे सुइ )

जयप्रकाश--नं मवा ?

गुभाजु—कोठाय् कलाःया न्ह्योने पवीं तोतेगु ला ? का नंवाय्सा वा, नव ---

अंगरक्षक--छ छाय् वयागु ! छु चित्तं मखन धा ---

जयप्रकाश--गनं धाइ ? द्यो वल, बोक्सी वल धयागु कुला कयि कुलिपि दत कि जक मचय् ज्वीगु ( सकले तोले जुया जज्यात स्वया चवनी ) मन क्वातुके मफुम्हयात अनेक ज्वी । द्यो नं वइ, दुब्यू नं वइ, तोपु नं वइ, सिर्मांचित स्वया, छिमे व्वा सित धका तुपल मदेक चवनागु ला हाँ छु ?

सिर्मा--(अक्रमके जुया) उम् प्वी मज्यूगु तुपलि तोतागु मा'राज । सित्तिकं लागु !

धनबीर--अ छ पुमांचा धाम्ह मखुला ?

सिर्मा--अबु का पुमां, जि सिर्मा ।



धनबीर--(पुमांचित वयना) श्व हे का महाराज, कांतुपलि चलेयाम्ह मध्ये छम्ह ।

जयप्रकाश--अम् सिल, श्वेत शत्रुतसें लोभं वयना खँ न्यंका ल्हाती कया श्वया पाख्ये कानातुपलि तोतूगु ज्वी । मन वयातुगु लिलिपा संम्हारे थाय् मफयक धन्दा जूवन, ग्यात, धुकुमान जुल, सन्निपातं कल । यना जन्हूँ मखा छु छु कना तल, न्यना मल, स्यना तल-यनातक्को सूरें म्हुतुं पिकया हल का, श्व छुं नं मखु ।

माइचा--स्वे हे हिसिहासि मदु ख्वापि कानातुपलि पूपिसं खः जिमे मिजंयात स्यंका ... (खबि हं हं ल्हा जोरेयाना) महाराज म्हय् हे दुगु मखुत, सि व वयेँ जक ज्वी धुंकल । श्व छम्ह छुं जुल याय्व जिमे छु गति ?

जयप्रकाश--भातयात कजय याय् म्वाला ले ? थःगु ज्याय् वास्ता मयासे म्याःमदुगु ज्या सना जूवले मिसा धका च्वना च्वनेगुला ? जिथाय् धा वे म्वाला ? का म्वाल ! छंगु दुःख जि सिल, शत्रुं नं गुवले ठिकी ला ? शत्रुया ज्याभः जूगुया फल खः । छं धागुलि क्षमा याय् धुन (अंगरक्षकयात स्वया) का नुं धनबी, थथ्ये वने । जूगु ज्वी धुंकल, धन्दा काय् मते । जि राजबेद्य छ्वया हय्, वास याकाबी ... (वनी । तुतामं चुया बुढी छम्ह वया जुजुयात न्हापं वइ)

बुढी--मा'राज थुगु बेस जुल, च्यान्हु फिन्हुकाते यायत दः छु मागु दु । जि बोक्सि हँ, पुमांचा जि बोक्सि हँ । न्हाचतिनि नं धाल । बोक्सि जा हुं छ्ये च्वंम्ह का, क्वहाँ वे छासा वइ हं । छपि बिज्यागुलि जक क्वहाँ वयागु मा'राज न्याय फोने !

जयप्रकाश--का धोमा ! रोगी, वे, अज्ञानतय्गु खँय् च्यूता तय्ग मखु । मेपिसा-हापिनी म्हुतु स्याई, छिगु पाप छुं दःसा कते जुया वनी । न्हयोने हे वया हान्नं धालसा म्हुतुप्वाले कि म्हुतुप्वाले नक्येगु,

गनया घो वैगु, गनया बोक्सी ! (सकसितं स्वया) थ्व फुक्क कांपि--  
निगु धापू का, कां--विश्वासया थासा खः थ्व... (उत्तेजित जुया)  
जिगु राज्य बरू वाय् भासां, ज्यान लाय् मासां थथि कां--विश्वास  
नाप ह्वाय्गु तोते मखु, सुं गुम्ह बाधा वससा वैगु ज्यू ज्यान काय्गु  
थज्योगु मखुगु भ्रम दकभनं न्यंका बिया थःथः हे ल्हाकीपिन्त जा छु  
जक मयाय् जि (घनबीयात बां ह्यू धका इसारा याइ, वनी)

घनबीर--ना घोमा ! म्वाल कासं, तले कासं (बुढीयात व  
माइचित बां बी)

सकले--जय महाराज !

बुढी--(तुतामं वाय्थ्ये याना तुचितुचि पुमांचियाय वनी)

सह यानां सह याय् फुगु ला का ! जुजु मदुगु दे थ्ये का !

माइचा--(बुढीयात पना) म्वाल अजि माजु, जुजुं आज्ञा  
जुया बिज्यागु छः । अचः लावनी !

बुढी--फय् ज्यूगु खँ ला का ! व धा थ्व धा मदयक लाक्को  
नं धागु का ! अपाय् सन्हाय् जुजुयात नं सरा ब्यूगु का । इ सय् थ्व  
सय्यायात (तुतामं न्हइ)

(गुभाजुं तोता बीवं पुमांचा हरर् न्हला थसः पावनी, बुढी  
याना बिस्यू वनी )

माइचा--गय्, गय्, गय् मिखा थक्कन स्व, स्व, स्व (फंतुकेत  
सनी)

सिर्माचा--गुरुजु थुख्ये छको बिज्याहुं अबुया मिखा...

गुरुजु--(स्वया) लः छको त्वंकि सा (माइचा लः त्वंकी,  
लः ल्होयातुं हइ ) दुप्पू व जा गथ्ये च्चं तोता वनीबले थथ्ये ज्वी गो,  
संक्वे सिक्वे मते राज वैद्य वइ नि, जि वने (वनी । माइचां ल्हा तुति

पाते तथा छयोने फुंग तना बी । सांगां फांकी, थकंगु मिखायात  
 कश्योकेत सनी । सकसिनं याय्मते, यायमते धका गनी, गुलि गुलि  
 मचात पिहाँ वनी, सिर्मांचा खा छ्यूंका अबुम्हेसिगु खाः जक स्वया  
 चवनी । मिस्त मचात छम्ह छम्ह याना पिहाँ वनी । भति लिवा पुमां-  
 चा थर् खाई)

माइचा—बाइ थ्व कं प वगु ला ?

सिर्मांचा--हिकय हिक हिकु नं वल ...

म्ह्याय्म्ह--थो अबु, योबु, गन स्वयागु खवइ । म्हचाय यात  
 छवेमते धाधां माइचा खवइ, सिर्मांचा अबुम्हेसित घय प्वी । छ्यूंसे चवने  
 धुकन धासां ज्यू । संधयाया आरती ग थाना हःगु ताय दु । स्वया  
 चवनी ।

पद्म



# अन्तिम निर्णय

## पूर्व इतिहास

स्वंग-स्वंग अंक च्याय्, हंगु संबत जालाया चतुर्दशी, आठत-  
वार जुनु नंध्याइले कातिपुरे कुमारी जात्राय् जुनु प्रजा सकले लाना-  
स्वंगने रोडाली फौज निरयेस्वरुये इवाम्पुपाथे तोपूवल । फौज मुंका  
जुनु जयप्रकाश मल्लयात बांलाक युद्ध पाये थाकुल । अयनं फय थे  
युद्ध पाना अनं यले स्वाहालि काय्गु भाशं वनी । यमना खुम्ह काजि  
मध्ये अपात्रित पृथ्वीनारायण शाहनार मिनेज्जीगु स्वरुणि अ-या जुनु  
तेजनरतियात न बवना भक्तपुरे वनी । इपि दत्तात्रेया देव ले आश्रय  
कयाचवनी । अनंलि थ्व एकांकी शुरू ज्नी ।

स्थान - भक्तपुर दरबारया छगू वेंचक ।

समय--ने. स. ८८८, जंला गा, सप्तमी ।

### पात्रतः-

१. रणजीत मल्ल—भक्तपुरया आखिरी मल्ल जुनु, वंश ७५

२. काजी भागिराम

३. सर्दार चकु हि जोशी

४. प्रधान कृष्णदेव

५. भाजु देव गोपाल

भक्तपुरया आखार

६. मटेना धुमालसि—जुजु रणजीत मल्लया जपा रहा

७. कोठा पिवा

८. छरिदार हेमनारी—

दबुलिइ खनेदयेके स्व पि— गौखाली भारदार कहरसि बण्णयात

—२४ त्वा गेत, गुथिया नायोत

आदि, आवि

भक्तपुर दरबारया ९९ चुकमध्ये बाँलागु मालती चुक कोस्वगु बैठक । थनया श्रीखण्डया इयङ्गमले कनेक कलापूर्ण बुढा दुगुलि बंट-  
कया शोभा दुगछि बढयजु । आपा याना राजकाज विषये सभा धुगुकि  
जुइगु जुगचन । जुजुया उच्च सिंहासन अनेक छोदी चवयातगु अग-  
लिवक दु । न्ह्यानेसं ताहागु नबुया लासा लायातल सिंहासनया जःखः  
कुत्या जागु यच्चुसे-पिच्चुसे प्वालाप्वाणं थंगु छाटाचा दु । इमि छोने  
बुढादार हावादारी धुखोरीत तयातल । थुमि चवसं मधुर गद्यया कुँधा  
जाल प्यना बढयाचन । छुं भतिचा उद्ये न्ह्यानेसं नबुया लास या  
छोने अलग अलग ततजा याना कयाय् थना पाःचा लासा झेलक  
चयापा लायातल । प्यपाते क्रमशः काजी भागिराम, सदाँर रकुमि  
जोशी, प्रधान कृष्णदेव, भाज देबोपाल अदि सारदार फतुना जुजु  
रणजीत मल्ल व मेमेपे मवनिनि प्रतिभा यानाचवनी । लुछाय् वना  
पर्दा काप लहसि मुनाच्वम्ह बैठक पिवा हुँ थका काजी इतारा याना-  
हगु खग पिहां बनी ।

काजी भागिराम—स्वैदिसँ आजुपि, कान्तिपुरया जुजु जय-  
प्रकाश मल्ल अन्ते कीथाय् हे शरण मवसें मगात ऊ देशबाशीत  
यें देशे वने हे मज्जु । पशुतिइ बालू ऊवसि तक नं कुनीगु, नाना  
तरहन हेना याइगु हिमःयतिभाय् याइगु यमितेसं । लु न्हासं थन बल  
स्वामिमान जयप्रकाश ? गर्ब धयागु जकं...

सर्दार चकुरसि—“मा कुरु धन जन योवन गबं” धयातगु जा द हे दु नि । प्रजात जा छु—थः जुजु स्वया वनी का । यथा राजां तथा प्रजा युखे ल न्हयात उखे हे मखा लिनावनी न्याचात । बरु जयप्रकाश थुखे बिस्यू वगुया छु नियत खः ? थः जा अथे हे स्यन, मीत नं स्यकेगु मति ला ? छिथे ज्याम्ह ३६ घडीसं राजनीतिइ लुकुबिनादीम्हयात कनेमागु जा मदु । छिगु हे नीति कोशलया फव जा ख नि ठी जुजुया त्वाय्कायं ये देशे धावा यागु कुमारीया जात्राया हूमे लाका । नत्र जकं जयप्रकाशथे ज्याम्हसित न्येकेफैला याकन ?

प्रधान कृष्णदेब—(न्हिला न्हिला) आ छु—त्वाय् ब्वा खवप देया जुजु, त्वाय् काय् ये, यलया आतिनि ओईओईमछिया स्वदेया त्वापुख्यापु मदु ३६ । अले योम्ह योथाय् हुँ रे, मखुला भाजु ?

भाजु देबगोपाल—जित जा छत्ति हे लःलः मघा । गथे खः, छु खः ! थव पृथीनारायण न्हापा थन देशे वया राजकुमार नापनापं जूबलेनसें हे साप हे चंख खा । उखेथुखे चालामाला स्वज्जीगु, शिलापी तनजःपी ब्वा ज्जीगु । अले छन्हु जा तलेजु माजुयाथाय् तानातगु प्वांगु सिजपी ब्वा ब्वा हरिसिंहदेबनसें या जुजुया पुस्त त्याख्यानाचन धयां !

काजी भागी—छु च्वयातगु दु ले ब सिजपुतिइ ?

भाजु देब हरिसिंहदेब तलेजुभाजु बिज्याका ‘जि सन्तान नेपाले गोगू पुस्ता तक जुजु ज्जी’ धका न्यंबले ‘२८ पुस्तातक जक, अले पश्चिमपाखे चन्द्रवशी जुजु जुवइ’ धका आज्ञा जुल हूँ ।

प्रधान कृष्णदेब—उदले जा ख नि मोहनीं कुमारी पूजाबले कुमारीं न मू पलेस्वां ठी जुजुयात बिया मबिज्यासे वैत हे बिय बिज्यान । जुजुया गथे म्हइपुसे च्छन थे, त्हा पुसुलुं तयेमाल ।

स. चकूरसि--जुजुं जा आज्ञा जुयाबिज्यात नि 'नेपा गा छंगु हे उबीतिनी' धका ।

काजी भागि--अथे हे धया थें जुल मखुला ले ? थें यले गां गां चात फुक्क धयाथें जुया हे लहाते लायेधुं कुसें नि आ छु मानि ? (लय तातां बरू आतिनि कीगु लाकातैतगु गांत धयं लित कायेमालि । गथे ? जि जा थीं थ्व हे खं जुजुयात विन्ति यायेत्यना । खं जां थ्व खसांतबि जयप्रकाश व तेजनरसिह निम्हं दत्तात्रयया देगले स्त्रीपिला च्वंगुलि थुपि थन तवेज्यूला--मज्यूला धयागु निणय यायेन ख थीं कीत व्वगु ।

सर्दार चकूरसि--काजिजु ! जुजुयात मेगु नं तध्दंगु छु खं वन थें मस्यु थीं त्वात्वाले फुक मनूत मुना, गुठिगाना धाक्को हना, ससिद्धि याना याकनं थीं हे लिसः छ्वयाहिं धका थम्हं तुं खबर छ्वयाबिज्यागु दु हं, छिसं गथे मसिल ? थन सुनां स्यू धेदिसं ।

मेपि सकलें--अहं मस्यु ।

काजी भागि--गुबले यागु खं ?

सर्दार चकूरसि--म्हग संध्याहले ।

(नेपथ्ये स्वस्ति वाचन बोनाहइ--'जय महाराज, जय महाराज' या ध्वनि तायेदइ । बंधक पिधानं काजिपित धावइ--जुजु रणजीत मल्ल बिज्यात ।' जुजु वमतेना धुमांसिया प्रवेश)

सकलें--(दना नमस्कार याइ ) जय महाराज ! (जुजुयात सिहावने बिज्याका सकलें यःथःगु आज्ञाने च्वनी)

रणजीत मल्ल--काजि भारदारपि ! पृथ्वीनारायण शाहनं लाजनीहर छ्वयाहल - जयप्रकाशयात व तेजनरसिहयात बैथाय याकनं सुमयेयायेहिं हं । थ्वया लिस जि व छिस्कलपिनेसं जक नं निणय



धाये मजिया त्वात्वाले नं सभा याका । छु खँ निर्णय ज्वी कंवा धका मोहर नं छवया । थुकि हे देशया भाग्य हे च्वनाच्चंगुलि श्व चिकीधंगु प्रश्न मखु । आतिनि बल्ल थुयावल कीस चूक यानागुया ल्याखः हे म्हु । (सकले छु खँ जुल, छु स्यंका जुल धका मछाला शिर ववछुई ) उकि याना हे श्व आपद संकट वोगु खः । आ चाल देशया भाग्य धायेगु जन-ताया भाग्य खः । जनतां व्यंगु निर्णय हे मागु उत्तर बियाछ्देत्यना गथे ख ? थौं म्हु जेगु मन तस्सकं भःभ. न्ह्या च्वन । कासुका तया ) हे प्रभु, तलेजु माज् !

काजी भागि --महाराज ! कीस गथे तातुना अथे हे जा जूया वल । आनेपाले छुलो व त्वाय् काय् हे जक मखा जुल । कीगु बनेपा, पनौति, सांगा आदि न्हय गां लित कायेत च्वयाछ्देत्यना । अपाय्ध राज्य लायेछुं का नं नाहिँ धया हँला ?

भाजु देव --गोर्खा जुजुया मतिइ नं च्वनमागु खः श्व आ । अयनं लुनकाछवेगु ज्यू ।

धुमानसि --खः लोमनाच्चंसा लुमनी अले ।

रणजित -- जागप्रजुया ) छु खँ श्व ?

(धुमानसि ग्यापह याना, मिखा तिसिना थचक्क फेतुइ)

म्या त्वे वनेगु धयां भुति ब्वे वनीपि ! थथे जुया जा थंगु दैसे पश्चा-ता पयेमागु । छु खँ आम ? थंगु राज्य हे जा तिमिलिगि समेयुकल, छिमके ताता मरु । देशबासीलेत छुकथं वुछये यायेगु ज्वीधुकल ! वरु वुछयेयाके छ्रेमाल-सु वने ? स्वहुँ जयत्रकाशमि दतात्रय देगले गथे च्वनाच्चन ।

(धुमानसि उंसिदना बने वनी)

प्रधान कृष्णदेव --महाराज ! मझ्या गोसाईं तसे लासा, कांगा व मेमेगु माक्को पुरेयाना तैतज हँ ।

रणजीत--छिम्सं कु धया ? इमिन् पृथ्वीनारायणैत लल्हाना बीमाली लाकी ?

काजि भागी--कौत उगु कथं इम्सं दुःख बिसेलि बुक्येयाना मत्रीगु जा खँ हे मत्री हानं इमि थन वोगुया लक्ष्य नं ध्व हे ज्वीमा कि कीगु देशे संग्राम मचये याये, ध्व दे स्यंके; द्याय् धासा, यलं द्या-काजि भैरव यो व भीम थो निथो पल्लन नं हगु दु धका गुप्तचरतेगु खँ वोगु दु ।

सर्दार--यलेत जा थौं कहे यक्को हे छनेदु खः । अयनं गोर्खा जजुया भा महु । किपूमितेतथे न्हाय् ध्यनी धका जक ग्याना बोपि ला !

रणजीत--धुमानसि !

धुमानसि--महाराज !

रणजीत--का हुँ, त्वात्वालेया बुद्धिमन्त नायोंपि, रुठोगानाया धकालित लुं ध्वाखाय् वोगु दुला स्व । बल ज्वीमा हुँ, हुँ । ( धुमानसि वनो ) जिगु मति जा थये का कीसं थपि बिस्युं बोपि जजुपित पृथ्वी-नारायणैत सुम्पयेयायेहि धका धायेव सुं क सुम्पयेयात धासा जि वया स मन्न ज्वी, अले सुया वेइज्जती ? प्रजागतेत लोला, मलोना ? थुमिस दुःख जा बिल खः तर गोर्खाली कुष्ठ कीगु दे थिल, प्यलये नं यानाहल । थप पृथ्वीनारायण जा गुं खिचा धका--चासुक्कं नुगचु ज्वनीह्य

म जु देवगोपाल---महाराज आज्ञा जूगु खगु खः, वया नुगले छु दु, छु महु ?

सर्दार--त्वाय् व्वाया नाता नं जा च्छयाह्यपु इमित आवन तरेमते धका

काजि भागी--न्हाथे हे जूमां थुगु कथं वहस यायेमागु खँ हे

मखु । न्हापाया कीगु नीति मतोतुसे सरासर ज्या जुयावंगु जूसा बाँलागु । नाना बने नाना कंग । बरु व मठया गोसाईत गुलि अप्पोपि-छु सूचं मबिसें ।

सर्दार-- काजिया बिचार इमित लल्हायेगु का म्खुला ?

काजि---खास खगु । थुकि चुकयेजुल, लिचिल धायेव खपदे फुत-जनतां दुःख सीगु जुल । संग्राम जुल धायेव छु ज्वी, छु मज्वी । (रणजीत मल्ल दोधारे लाना अक्कमक्क ज्वी, खवा च्याकाहड, न्हकुस तीतो स्वाका जरुक्क वनिम्हथे चवनी)

रणजीत--(थत तुं) आ गथे यायेमाली ?

काजि---थुमित कायेगु काल सर्प याकुं प्यायेगु; गोर्खाली जुजु तम्बेकेबीगु, आलप थगु छे मि तयेगु ।

रणजीत-संग्राम तू मज्वीमखु खना । छन्हू न्हापा, छन्हू लिपा- (पलख सुंक चवना) आ नं गोर्खाली जुजुया नीलि सीकेमफुसा ङिनि-धानि चाकु सवा थुइकेमफुपि जूवनी ।

## धुमानसिंहया पुनः प्रवेश

धुमानसि --महाराज ! नीप्यंग त्वाया नायोतसें बिनित यानाहगु ।

रणजीत--अ, छु घाल ? इमिसें धागु गवदं धा ।

धुमानसि -- इमिसं बिनित यानाव्यू धागु - "म्हग थव जुजु-पिसं कीत दुःख बिल खः (काजि भागिरामं छ्णो व्वाई) अयजुमां थुपि थौं शरण वोपित मरण यायेगु कीगु धर्म मखू । कीगु धर्म कीके दु, इमिगु धर्म इमिके दे । गोर्खा जुजुया नालमोहर वोसां कीसं इमित लल्हायेमज्यू । मेगु महाराजया आज्ञाय् मागु तक यायेत फुक्क प्रजा तयार दु ।

रणजीत--धन्य, धन्य, जि प्रजाजन ! मि छोणु थ्व मने मलहम फवेथे सिच्चुसे च्वं आम बचन । आमथे हे खः, खास खगु थ्व हे ऊगु कर्तव्य । शरणया मरण यायेगु महापाप खः । कर्तव्य लुमं-काब्यूनि प्रजागणतेत धन्यवाद तयाहगु दु धैब्यु । (आज्ञा सिरोपर अया धुमानसि बनी)

प्रधान कृष्ण -- इनि जुजुपि सुलासुलाजूपि नं जा ख--गनं शरण बल ।

रणजीत--डवाले मखु न्यताले धैगु खे जतं का । तीप्यंगु त्वाया जनता ना जोजुपनिगु बुद्धि जकं मखुथे लाइ ला ? प्रजाया बचन छोया बचन ख । कनि, आ ताहा खे ल्हानां गुण मदु । जुजु जयप्रकाशपित इगल्ले बांलाक छायेपा माक्को सारजाम पुरेयानाब्यु ।

काजि भागि--(थःगु पकडी तोता) महाराज ! थनिनसें जित थ्व कजाई मायेल, देश धूदन धायेव गाल फयेमाली--हि बाबोगु स्वे-मालि । जिं जा खना ... (सभाय् सनसनी फइलेज्वी, सकले अङ्गले च्वथातगु छोया तसवीरथे च्वनाच्चनी, रणजीत मल्लया खवाले हि मदयावगुथे, हानं हि जयावोगुथे ज्वी थपाय्धंगु, गनं मदुगु, अपूर्वगु ऊया दुगु दर्बार, देग थुपि जुगांजुगया धन सम्पत्ति मिखां मस्वैपि जन्नुत दुव्वानाचैवले छू मयाई ? गथे पासापि ? मागु बखते नंमवासे छु याय !

रणजीत--(ताहा झामुका तथा) हुँ ! सा स्याना धुँ पोसये-यायेगु का मखुला ? (हतासं छरिदार हेमनारांया प्रवेश)

हेमनारां--गोर्खाली जुजु छ्वयाहपि--जहरसि धाल ला चहरसि धाल ला--गवाय् तीस्वापि गोर्खालीत महाराज नापलाकि, नत्र छिमित थये याये, अये याये धका हप्पं ख्यानाच्चन । व खना सकले त्राहित्राहि । धुँ थें, खुँ थें स्वे च्वं हे !

रणजीत---(बिचा याई याई अले) सूर्यवंशी जुजु व वया प्रजा  
 ख्यानां ग्याइपि मखु । (उत्तेजित जुमा) धयाव्यू लिस मागुकथ बी  
 माळीबले । राज धयागु जनतायागु खः जनताया निर्णय हामोगोछि फरक  
 ज्नीमखु । का नुँ, सुसु वेगु खः । जुजु जयप्रकाश मल्ल व तेजनरसिपित  
 सत्कार यावनेतुँ ।

(प्रस्थान याई)

॥ सिधल ॥







